

浙川直隸廳鄉土志

卷一

世 150 269
1537

浙川直隸廳鄉土志目錄

卷一

歷史

卷二

兵事

卷三

耆舊上

事業

卷四

耆舊下

學問
壇祠祀

卷五

人類

戶口

民族

宗教

實業

卷六

地理

卷七

道路

卷八

物產

商務

浙川直隸廳鄉土志

歷史

國朝

浙川直隸廳光緒三十一年河南巡撫陳夔龍因廳治界連楚陝山徑紛歧加以近年教堂林立保護巡防尤關緊要而距府治太遠鞭長莫及奏請將原設之浙川廳改為浙川直隸廳直隸南汝光道不領屬縣即以撫民同知改為直隸廳同知其

餘官職均仍其舊云

未置本境以前

禹貢及周禮職方俱屬豫州西南域春秋時為都

國左傳魯僖公二十五年秦晉伐都杜預註都小

國本在商密秦楚界上其後遷於南郡都縣

後屬楚名白羽又更名析左傳魯昭公十八年楚

平王使令尹王子勝遷許於析實白羽杜預註時

白羽改為析由是析屬楚地



戰國時始屬楚後屬秦周赧王十七年秦昭王師出武關取析十五城遂屬秦

秦置中鄉縣屬南陽郡

西漢置丹水縣屬宏農郡東漢時改屬南陽郡即今廳治

又置析縣屬宏農郡東漢時改屬南陽郡故城在今廳治西二十里白亭保左近

又置順陽縣屬南陽郡故城在今廳治東南九十里之順陽里哀帝時改名博山縣明帝時復名順陽縣後為侯國

東漢增置南鄉縣屬南陽郡分析之南鄉為縣故名遺趾今無可考獻帝時升為南鄉郡析縣屬焉魏仍漢舊無改置

晉置順陽郡以順陽縣改設復廢南鄉郡為縣與丹水縣析縣并屬焉

東晉改順陽郡為南鄉郡尋廢析縣入南鄉郡而

復為順陽郡

按史載安帝義熙元年後秦王姚興歸南鄉順陽等十三州於晉似南鄉

順陽二郡曾同時并置今無可考

劉宋置順陽郡仍設順陽縣與丹水縣均屬順陽

郡廢南鄉縣以析縣屬南陽郡尋廢

南齊改順陽縣為南鄉縣與丹水縣仍屬順陽郡

元魏改丹水縣為丹川郡改順陽縣為南鄉郡割

其西偏為浙川縣按浙川之名始此尋改為西浙陽郡故

城在今廳城東南三十里北馬蹬保

西魏又於西浙陽郡增立內鄉縣按與今內鄉同名而舊治實在

今浙地

北周改內鄉為中鄉縣復秦舊名廢浙川縣併入

之又廢丹川郡復為丹水縣廢順陽郡為順陽縣

俱屬浙陽郡

隋置浙陽郡改南鄉郡為縣改中鄉縣為內鄉縣

廢析縣入南鄉丹水并屬焉惟順陽縣屬南陽郡

唐改浙陽郡為浙州尋仍廢為內鄉縣并置默水

縣按默水縣治無考惟查丹水縣自隋後不省順

陽入冠軍縣與內鄉縣均屬鄧州統於山南東道

後五代梁唐晉漢均仍舊置至後周廢默水入內

鄉臨瀨二縣

宋置浙川縣及順陽縣與內鄉縣均屬鄧州武勝

軍

金置博山縣與順陽內鄉二縣均屬鄧州武勝軍

廢浙川縣

元廢順陽縣復廢浙川縣及博山縣均併入內鄉

縣按自此浙川內屬鄧州

明置浙川縣成化七年從河南巡撫楊璿請分內

鄉之西境上白亭下白亭上張坡下張坡淤村馬

蹬荆子浙川順陽板橋等十保編戶二十一里後

併為十四里屬鄧州即今浙川廳所轄全境始與

今內鄉縣劃分為二

國朝初置浙川縣改屬南陽府道光十二年河南巡

撫楊國楨奏准改為浙川廳仍屬南陽府

按浙川輿地歷朝建置均與今之內鄉縣疆土互相出入及元時遂併入內鄉縣至明復置浙川縣疆界始清茲查中鄉丹水析順陽博山南鄉浙川丹川西浙陽內鄉雖歷代名稱不一興廢無常然設治之處均在今之浙境默水雖無可考然疑即丹水所設故均考其沿革備錄於篇至廳志所載如漢之酈縣西魏之臨湍新城隋之菊潭唐之酈州宋之臨瀨雖其轄地或及浙境而設治處所均在今之內鄉縣境故并從刪除以清界限仍附錄之以備參考焉

政績錄

分興利去害聽訟三端謹依時代先後為次得東漢劉陶迄

國朝秦應光等三十六人其餘若漢之平當李固杜喬晉之鄧朗鄧會宋之孟珙雖皆有名當時而在浙政績於史無徵不敢濫登又元及明初浙川皆并入內鄉官斯土者稱曰知內鄉縣事其政績已入內鄉故付闕如

興利

東漢

陳宣字彥成新陽人曲逆侯丞相平之裔也桓帝時任丹水丞持身清慎勤政愛民嘗創興水利引注丹流以溉民田遭永壽三年大水前功盡毀宣躬自營度復修舊績百姓賴之及去吏民謳思不置建寧中為泐石紀勛

晉

劉璠沛人宏子也懷帝時為順陽內史江漢間翕然歸之後為山簡所誣去官父老莫不追思

北魏

韋叔裕字孝寬杜陵人閔帝中為浙陽郡守政術美備與新野郡守獨狐信齊名時號連璧

泉企字思道上洛豐陽人祖丹水侯父為伯企年十二詔依鄉人所請為縣令百姓安之見北魏書本傳

宋

黃肅仁宗時知浙川縣政尚寬簡勸民力穡比屋殷足境內大治

明

武文宇翰英井陘人成化七年知浙川縣時縣初設且多盜文創邑之蹟禦盜之謀至今稱頌不衰邑有專祠春秋致祭

劉繼樂城人成化間以進士知浙川縣剛毅明敏

振武修文歲值大饑區畫賑濟民賴存活者衆又
推俸以周寒士百姓感慕見祀名宦

樊瑀文安人宏治初以進士知浙川縣有為有守
政平訟簡毅然以古良吏自期由創邑以來興利
之多遺澤之深未有及者

沈鎡大興人宏治間以進士知浙川縣政尚寬大
興學愛民

趙廷璋四川人嘉靖初知浙川縣清介剛方修學
築城開渠堰集流民邑有樂利之休

劉敬宗錢塘人嘉靖初知浙川縣清操自守興賢
育才教樹畜導水利省里甲之費罷額外之征士
民呼為清劉

譙忠捷為人嘉靖中知浙川縣廉以持已嚴以馭
下歷任八年民懷吏畏陞河間府同知

張儼蓬萊人嘉靖時知浙川縣嘗修神泉黑馬等
十二堰為民興利

王道陽城人萬厯初知浙川縣清廉苦節篤實愛民且性嗜淡泊不為苛擾

劉承範監利人萬厯中知浙川縣修築儒學文昌閣丈地均糧疏濬北渠以備宣洩開興化堰灌田數百頃陞普安知州

茅國縉歸安進士萬厯時由御史謫知浙川縣政尚簡易以文章飾吏治焉

張霈字太石渭南人萬厯時知浙川縣簡易慈祥楊夢弼字徵臺五臺人萬厯時知浙川縣清正嚴明

國朝

馮爾遲直隸柏鄉人順治二年由貢生知浙川縣時地方初定流離未集爾遲撫字多惠三年民皆樂業輿論以為古之循吏不是過也

錢綬直隸元城人順治五年由進士知浙川縣時驚鴻甫集力振凋弊課士多方幾於化行俗美以內召去邑人追思之為建生祠

鄭廷才湖廣穀城人順治十五年由拔貢知浙川縣清慈明察士民頌之為立遺愛碑

于先登山東新城人康熙九年由舉人知浙川縣廉明仁恕政簡刑清以禮維風勤於課士捐修名宦鄉賢祀以垂不朽邑人至今思之

張國用遼東廣陵正黃旗人康熙四年由貢生知浙川縣循良方直撫字心勞值吳藩之叛戎馬交馳國用應變籌禦軍機民命悉為安全士民欣誦

王然順天宛平人康熙二十六年由官教習知浙川縣清白堅貞德教廣被剛毅明決強禦屏跡輕徭薄賦施捨粥粟捐修文廟建立義塾政平人和刁訟寢息嚴查保甲四境安輯以卓異陞刑部主事秦應光四川建始人康熙五十年由舉人知浙川縣嚴保甲濬溝渠禁淫祀平量衡賑災恤民勵士向學修城垣學宮倉廩衙署始終不替吏民懷之為立石頌德

附錄

明

盧信明成化間任南陽府同知奉委創立縣治多方經營規模制度迄今猶存有功於浙故廳志特書之

去害

東漢

劉陶字子奇潁川人桓帝時為順陽長縣多豪猾

陶募吏民有氣力勇猛能以死移生者不拘亡命奸賊於是剝輕劍客之徒過晏等十餘人皆來應募陶賞其先過要以後效使各結所厚少年得數百人皆嚴兵待命於是覆按姦宄所發若神後以病免吏民思而歌之曰悒然不樂思我劉君何時復來安此下民尋以發張角妖術惑眾功封中陵侯拜侍御史

晉

吳彥字士則吳郡人武帝時為順陽內史清心率
下威刑嚴肅衆皆憚之即順陽王暘驕縱不能誣
見晉書本傳

薛珍永和中為順陽守勇決敢為郡內畏服

明

熊价眉州人正德間知浙川縣宅心仁恕敷政寬
平築城禦賊浙境獲安

林大黼莆田人嘉靖時知浙川縣才本俊逸政則
慈祥備文廟祭器除境內風奸祀名宦

陳柏絳州人隆慶時由進士知浙川縣水蘖自守
果斷有為嚴以弭盜勤以課士擢戶部主事

王麟趾字明野德平進士萬曆時由御史謫知浙
川縣性剛負氣然意在鋤強扶弱其鼎新釐序殊
於文教有裨陞戶部主事祀名宦

國朝

郭治山東東昌衛人康熙二十八年由進士知浙

川縣政尚清嚴以講學課農為先務釐奸剔弊旌
淑別惡在事五年民安畫一
聽訟

宋


周憲徽宗時知浙川縣前政有疑未決者憲至迎
及而解片言折獄猾吏屏息後拜尚書卒楊龜山
誌其墓

明

李奎趙州人嘉靖間知浙川縣秉心清白為政嚴
明執法定審差均祀名宦

王宗堯聞喜人嘉靖時知浙川縣明決果斷里甲
不費強禦屏跡祀名宦





浙川直隸廳鄉土志

卷二

40150 467
153

兵事錄

浙川負山阻水便於攻守是故鄧曼國之機以興東漢之業孟珙因之以振南宋之緒豈非以其地利使然乎惟是密邇鄖均易滋伏莽且其地當秦楚孔道北接武關為全陝門戶故歷代兵事恒當其衝至明季而極矣

國家文事武備超軼前代咸同之際楚匪迭至而卒無虞者非惟天幸亦其所以備之者有素也今志兵事上究列代下迄近今攷其成敗利鈍亦古今得失之林也

全在本境之兵事

周襄王十有七年

魯僖公二十有五年

秦晋伐都楚鬥克屈

禦寇以申息之師戍商密秦人過析隈入而係輿人以圍商密昏而傳焉宵坎血加書偽與子儀子邊盟者商密人懼曰秦取析矣戍人反矣乃降楚師楚囚申公子儀息公子邊以還左傳

周襄王二十有九年

魯文公四年

秦人入都

春秋

景王二十有一年

魯昭公十年有八年

楚令尹王子勝言於

楚子曰許子鄭仇敵也而居楚地以不禮於鄭晉

鄭方睦鄭若伐許而晉助之楚喪地矣君盍遷許

許不專於楚鄭方有令政許曰余舊國也鄭曰余

俘邑也葉在楚國方城外之蔽也土不可易國不

可小許不可俘仇不可啟君其圖之楚子說冬楚

子使王子勝遷許於析實白羽

左傳

赧王十七年秦留楚懷王要以割地楚人立頃襄

王告於秦曰賴社稷神靈國有王矣秦昭襄王怒

發兵出武關攻楚大敗楚軍斬首五萬取析十五

城而去

史記

晉康帝建元二年夏征西將軍都督征討諸軍事

庾翼使梁州刺史桓宣擊趙將李羆於丹水為羆

所敗

晉書

穆帝永和八年秦王苻健僭帝號於長安別帥侵

順陽太守薛珍擊敗之晉書

孝武帝太原二年三月秦兵寇南鄉拔之山蠻三

萬戶降秦晉書

四年二月秦將軍慕容越拔順陽執太守丁穆至

長安秦王堅欲官之穆固辭不受晉書

宋武帝時丹析二州蠻屢起為寇雍州刺史張邵

誘其帥因大會誅之悉掩其餘黨宋書

唐高祖武德元年初城父朱粲為縣佐史從軍遂

亡命聚眾為盜謂之可達寒賊自稱迦樓羅王眾

至十餘萬引兵轉掠荆沔及山南郡縣所過噍類

無遺是年十月自稱楚帝於冠軍改元昌達進攻

鄧州鄧州刺史呂子臧及山南撫慰使馬元規死

之朱粲遂寇浙川遣太常卿鄭元璠帥步騎一萬

擊之十二月鄭元璠擊朱粲於商州破之新唐書

宋仁宗天聖間大賊張海郭倪山攻劫商鄧破南

陽順陽時知浙川事孫甫安輯有方嘗曰教民知

戰古法也乃親閱弓矢教之擊射坐作皆有法盜
賊為息

宋史

涉及本境之兵事

周敬王二十有九年

魯哀公四年

楚大夫單浮餘圍蠻

氏蠻氏潰蠻子赤奔晉陰地司馬起豐析與狄戎

以臨上雒晉人誘執戎蠻子赤與其五大夫歸於

楚昇楚師於三戶

左傳

秦二世三年七月沛公畧南陽郡南陽守齮降封

為殷侯引兵西無不下者至丹水高武侯鯁襄侯

王陵降還攻胡陽遇番君別將梅銷與偕攻析酈

皆降因襲攻武關破之

漢書

漢更始元年遣大將軍申屠建丞相司直李松等

攻武關討王莽析人鄧昱于匡起兵南鄉百餘人

應應^之時析宰將兵數千屯剗亭備武關請降昱匡

盡得其眾昱自稱輔漢左將軍匡右將軍拔析丹

水攻武關都尉朱萌降

漢書

東漢光武帝建武元年正月更始復漢將軍鄧昱
輔漢將軍于匡降皆復爵位時赤眉延岑暴亂三
輔郡縣大姓各擁兵衆二年乃遣征西大將軍陽
夏候馮異代大司馬梁侯鄧愈討之異且戰且行
屯軍上林苑中南鄭人延岑起兵據漢中既破赤
眉自稱武安王拜置牧守欲據關中三年夏岑引
張邯任良共攻異異擊破之諸營保附岑者皆來
降歸異岑走攻析異遣復漢將軍鄧昱輔漢將軍

于匡要擊岑大破之降其將蘇臣等八千餘人岑

遂自武關走南陽

後漢書

四年二月先是漢中賊延岑攻南陽得數城為建
威大將軍耿弇敗於穰又為建義大將軍朱祐等
敗於東陽遂與黎丘賊偽楚黎王秦豐合走歸秦
豐至是復寇順陽間遣右將軍梁侯鄧禹護復漢
將鄧昱輔漢將軍于匡擊破岑于鄧追至武當復
破之岑奔漢中餘黨盡降

後漢書

六年夏前將軍固始侯李通領破姦將軍侯進捕
鹵將軍王霸等十營擊漢中賊延岑岑時以降于
公孫述述以為大司馬封汝寧王遣兵赴援通等
與戰於西域破之還屯田順陽

後漢書

獻帝初平元年奮武將軍曹操討董卓引兵遇卓
將與戰兵敗遂還酸棗時後將軍山陽太守袁術
屯南陽操謀使率南陽之軍軍丹水入武關以震
三輔術等不能用

後漢書

晉愍帝建興三年荊州刺史陶侃既克杜弢乘勝
進擊杜曾曾多騎兵密開門突侃陣出其後反擊
之侃兵死者數百人曾將趨順陽下馬拜侃告辭
而去時荀崧都督荊州江北諸軍事屯宛曾復致
牋於崧求討丹水賊以自效崧許之

晉書

康帝建元二年秋七月丁巳下詔議經畧中原安
西將軍假都督江荆司雍梁益六州諸軍事荊州
刺史庾翼代庾亮鎮武昌欲悉所部之衆北伐表

桓宣為都督司雍梁三州荊州之四郡諸軍事梁
州刺史宣前趨丹水

晉書

穆帝永和十年二月安西將軍持節都督荆司雍
益梁寧六州諸軍事領護南蠻校尉荊州刺史桓
溫統步騎四萬發江陵水軍自襄陽入均口至南
鄉步兵四萬自析川以征關中命梁州刺史司馬
勳出子午道以伐秦遣別將入析川攻上洛執苻
健新置刺史郭敬

晉書

孝武帝太元三年二月秦王苻堅遣京兆尹慕容
垂楊武將軍姚萇帥衆五萬出南鄉會攻襄陽

晉書

太初末順陽太守彭泉以郡降於後秦王姚興興
遣楊佛嵩率騎五千與其荊州刺史趙曜迎之遂
寇陷南鄉擒建武將軍劉嵩畧地至梁國而歸

晉書

安帝義熙元年七月侍中車騎將軍都督荆司等
十六州諸軍事徐青兗三州刺史劉裕遣使求和
於後秦因求南鄉諸郡後秦王姚興許之遂割南

鄉順陽新野舞陰等十二州歸於晉

晉書

齊明帝永泰元年魏統軍李佐攻拔新野縛太守
劉思忌不屈死之南鄉太守席謙湖陽戍主蔡道
福赭陽戍主成公期舞陽戍主黃瑤起相繼南遁
南陽新野南鄉北襄城西汝南北義陽諸郡俱陷
沒齊書

東昏侯永元二年命太尉陳顯達督平北將軍崔
慧景軍四萬擊魏欲復雍州諸郡顯達與魏前將
軍元英戰屢破之攻馬園城四十日城中食盡噉
死人肉及樹皮魏人突走斬獲千計顯達入城將
士競取絹遂不窮追顯達又遣軍主莊邱黑進擊
南鄉拔之崔慧景攻魏順陽順陽太守張烈固守
魏主至馬園陳顯達敗績崔慧景退

齊書

梁武帝普通六年正月雍州刺史普安王綱遣安
北長史柳渾破魏南鄉郡司馬董當門破魏晉城
又破馬園彫陽二城魏方有事於西北二荆西郢

羣蠻皆反斷三鴟路殺都督寇掠北至襄城時羣蠻引梁將曹義宗等圍魏荊州曹義宗等取順陽馬圈魏遣征虜將軍裴衍等率軍一萬出武關以救荆逆戰於淅陽義宗等敗退衍等復取順陽進圍馬圈濟州刺史董紹以馬圈城堅衍糧少上書

言其必敗未幾義宗擊衍等破之復取順陽

梁書按曹

義宗魏書作敬宗

西魏孝武帝永熙三年魏主西奔荊州刺史賀拔

勝使長史元欵行荊州事守南陽自帥所部西赴

關中至淅陽

魏書

東魏孝靜帝天平元年東魏既取荊州魏以獨孤信為都督三荊州諸軍事尚書右僕射東南道行臺大都督荊州刺史以招懷之蠻首樊五能攻破淅陽郡以應魏東魏西荊州刺史辛纂欲討之行臺郎中李廣諫曰淅陽四面無民惟一城之地山路深險表裏羣蠻今少遣兵則不能制賊多遣則

根本虛弱脫不如意大挫威名人情一去州城難
保纂曰豈可縱賊不討廣曰今所憂在心腹何暇
治疥癬聞臺軍不久應至公但約勒屬城使完壘
撫民以討之雖失淅陽不足惜也纂不從遣兵攻
之兵敗諸將因亡不返城民密召獨孤信信至武
陶東魏遣恆農太守田八能拒信於淅陽又遣都
督張齊民以步騎三千出信之後信謂其眾曰今
士卒不滿千人首尾受敵若還擊齊民則士民必
謂我退走必爭來邀我不如進擊八能破之齊民
自潰矣遂擊破八能乘勝襲穰卒纂勒兵出戰大
敗還趨城門未及閤信令都督楊忠為前驅叱門
者皆散帥眾入城斬纂以徇城中懾服信分兵定
三荆居半載東魏高敖曹侯景將兵奄至城下信
兵少不敵與楊忠皆奔梁

魏書

宋理宗紹定四年蒙古太宗命太弟拖雷代金入
饒風關十二月渡漢江金哀宗遣平章政事完顏

合達忠孝軍提控完顏陳和尚叅政移刺蒲阿將
步騎十五萬出屯順陽以禦之明年戰於均州之
三峯山金師大敗合達等皆死之是時宋以孟珙
為京西馬兵鈐轄屯棗陽軍仍總忠順二軍初珙
父宗政本棗陽土豪有胆畧多戰功寧宗時為京
西鈐轄權知棗陽軍會金帥完顏訛可擁步騎傳
城頹兵八十餘日趙方知其氣已竭乃召扈再興
許國自唐鄧還併東師隸於再興尅期合戰再興

敗金人於灤河又敗之城南宗政自城中出擊內
外合勢士氣大振賈勇入金營自晡至三更殺其
衆三萬金人大潰訛可單騎遁宗政追金人至馬
蹬寨焚其城入鄧州而還金人自是不敢窺襄漢

宋史
通鑑

六年蒙古將那顏奔盞追金主逼蔡州理宗詔京
西兵馬鈐轄孟珙戍鄂共伐金四月金唐鄧行省
恒山公武仙次於順陽與唐州守將武天錫鄧州

守將移刺瑗相犄角謀迎金主入蜀遂犯光化軍其鋒甚銳珙自襄陽帥師迎戰逼武天錫壘一鼓拔之壯士張子良斬天錫首俘將士四百餘人敗金人於呂堰俘獲不可勝計遂攻順陽仙大敗退屯馬蹬山順陽縣令李英申州安撫張琳皆以城降鄧州守將移刺瑗孤立而懼遣使請降珙納之為易衣冠皆以賓禮見之於是降者相繼仙勢益蹙珙言於刑部侍郎兼京湖安撫制置使史嵩之曰歸附之人宜因其鄉土而使之耕因其民人而立之長少壯籍為軍俾自耕自守才能者分以土地任以職事使各招其徒以殺其勢嵩之從之秋七月己酉仙愛將劉儀見仙窮迫領壯士二百詣珙降珙問仙虛實儀曰仙所據九砦其大砦石穴山以馬蹬沙窩岵山三砦蔽其前三砦不破石穴未易圖也又以麗金默侯里板橋王子山鮎魚崖五砦翼其旁砦甚險阻未易攻若先破麗金砦則王

子山砦亦破岵山沙窩孤立三師成擒矣珙翌日遣廬秀執黑旗帥衆入麗金砦金人不疑宋軍乃分據巷道大呼縱火掩殺殆盡是夜復令壯士楊清王建等亦搗王子山砦建入帳中斬金小元帥首而出丙辰遂出師圍馬蹬山遣樊文彬等攻其前門成明等邀截西路一軍圍紇不烈一軍圍小總帥砦火光燭天殺戮山積逸去者復為成明伏軍所得壯士老少萬二千三百來歸師還至沙窩西與金人遇大捷是日三戰三克未幾丁順等又破默里侯砦珙召議曰此砦既破石穴板橋必大震汝能為我招之乎儀請選婦人三百偽逃歸懷招安榜以往仍計遣晉德見花腿王顯金鎮撫安威招降之珙料仙勢窮蹙必上岵山絕頂窺伺乃先令樊文彬詰旦奪岵山駐軍其下前當設伏後遮歸路已而仙衆果登山及半文彬麾旗伏兵四起仙衆失措枕籍崖谷山為之赭殺其將兀沙匿

擒七百三十人棄鎧甲如山薄暮珙進軍至小水
河儀又言仙不欲降謀往商州依險以守然老稚
不願其去珙曰進兵不可緩夜漏下十刻召文彬
等受方畧約以明日侵晨攻石穴砦中夜蓐食啟
行晨至石穴時積雨未霽文彬患之珙曰此雪夜
擒吳元濟之時也策馬直至石穴分兵進攻自寅
至己力戰九砦一時俱破武仙走追及於鮎魚崖
仙望見易服而遁復戰於銀葫蘆山又敗之仙遂

與五六騎奔追之隱不見降其衆七萬人獲甲兵
無算由是順陽及唐鄧等州復歸於宋珙還軍襄

陽

宋史

明莊烈帝崇禎六年賊將闖塌天入河南遂由內

鄉浙川犯湖廣破數縣

明史

七年以陳奇瑜總督河南山陝川湖軍務討流賊
先是老回回過天星滿天星闖塌天混世王五大
營自楚入蜀陷夔州阻險復走還楚分為三一犯

均州往河南一犯鄖陽往浙川一犯金漆坪渡河
犯商南奇瑜乃馳至均州檄四巡撫會討十餘戰
皆捷斬賊數千級

明史

八年四月督師洪承疇以吳村瓦屋乃內鄉浙川
要地令左良玉與楊九州以五千兵扼之

明史

九年六月己亥總兵官解進忠撫賊於浙川被殺

明史

九年七月盧象昇渡浙河而南九月追賊至鄖西

明史

九年九月流賊犯內鄉順陽川屯駐九日一方竟

無人烟十月二日張獻忠陷鄧州四閱月陷浙川

縣攻內鄉不克城外之民盡被殺掠

圖書集成按明史左良

玉傳十年正月安慶告警詔良玉從中州救之道

勦殺南陽土寇楊四侯馭民郭三海遂破六安應

天巡撫張國維三檄良玉入山搜勦不應河南監

軍太監力促之始北去賊已飽掠入山矣已浙川

陷良玉擁兵不救以六安破賊功落職戴

罪則此次浙川之陷當在十年二三月

十一年賊移瞰商雒熊文燦約孫傅廷夾擊屬吏

王文清等三戰三敗之賊奔內鄉浙川而去

明史

十一年十二月河南巡撫常道立調左良玉於陝

州賊乘盧氏虛遁入內浙

明史

十二年五月張獻忠羅汝才復叛仍命劉元斌盧九德監孫應元黃得功軍南征應元等馳至南陽會馬光玉屯浙川之吳村偽乞撫規渡漢江應獻忠浙川知縣郭守邦說降其黨許可變胡可受可變即賊改世王可受則安世王也可變夜至處之

東關可受為光玉所特約未定應元得功趨內鄉掩其背令副將周遇吉分道別擊之文燦所遣陳洪範亦至八月至小黃河口參將馬文豸等力戰可受敗呼曰始與許王約降者我也今歸命遇吉駐馬受之應元得功遂進兵王家砦賊分屯南北兩山用木石塞道應元率文豸戰其南得功率副將林報國戰其北河南兵又扼華陽關賊遂大敗光玉遁免元斌至軍檄除可變可受罪授以官

明史

按周遇吉傳黃得功傳皆載此事周遇吉傳與此相符黃得功傳則差及一年究不知是一次事否姑並附之以備參考周遇吉傳云十二年秋復出討賊破胡可受於浙川降其全部黃得功傳云十一年以禁軍從總督熊文燦擊賊於舞陽慶光固間最八月又從擊賊馬光玉於浙川之吳村王家砦大破之

十四年七月李自成走內鄉浙川將入湖廣羅汝才復南陽趨鄧浙與合兵左良玉自南陽府追勦至內鄉遣將截殺及於浙川七月初三日與自成大戰於浙川城外良玉兵敗績總督楊文岳趨鄧州自成還攻之文岳戰三捷斬其魁一條龍一隻龍賊遁去時泌陽訓導胡崇易註防花園關民若轉輸自此內鄉遂為秦楚孔道援勦往來者無虛歲而流賊亦愈衆矣

明史圖書集成

十四年九月李自成破杞縣拔泌陽十一月乘勝陷南陽下鄧州遂攻浙川屠其城初高迎祥既誅衆推自成為闖王總督陳奇瑜圍漢中自成入窘自縛乞降奇瑜許之給免死票回籍遂過雲棧出

險入鳳翔掠隴川勢復振總督洪承疇總兵左光先連敗之其衆漸散會寧夏兵變洪師旋邊鎮自成復出潼關至河南分道入四川承疇檄川中諸道兵力攻大破之自成遂入楚依張獻忠不納將殺之自成獨乘驢日行六百餘里走商雒至浙川老回回營卧病半月老回回授以數百人仍出剽掠而秦兵又破之遂竄漢南窮蹙不得他逸食且盡欲自經者數養子李雙喜救之止以五千騎間

道奔河南河南饑斗穀萬錢人心惶動饑民多歸坵舉人李岩牛金星亦往投薦卜者宋獻策進圖讖云十八子主神器自成大悅遂率衆自南陽破宜陽攻永寧殺萬安王入洛陽殺福王至是連陷南陽汝鄧十餘城由是席卷河南荆襄鄢郢一時俱陷賊遂不可制矣

明史廿一史約編

十五年六月李自成據襄陽以河洛荆襄四戰之地關中其故鄉士馬甲天下據之可以霸決策西

向憚潼關天險將自浙川龍駒峇間道入陝西孫傳庭聞之令馮師孔率四川甘肅兵駐商雒為犄角而師孔趨戰無何我師敗績於南陽賊遂乘勝破潼關大隊長驅勢如破竹

明史

十六年李自成據有河南湖北十餘郡自號新順王設官置戍營襄陽而居之將由內浙窺商雒盡發荆襄兵會於汜水滎澤伐竹結筏人佩三葫蘆將謀渡河孫傳庭分兵防禦檄諸軍進勦九月八日訊降賊知賊虛實遂破寶豐擣唐縣轉戰至邠縣幾獲自成賊奔襄城

明史

十七年五月我

朝定鼎燕京議出師勦賊戶部侍郎王永鰲言重兵萃京畿需鑲不億請擇畿南及山東河南要地分兵控鎮俟秋高進勦闖賊就近調度可北扼潼關南扼武關從之九月命英親王豫親王同吳三桂孔有德等分道出師明年正月我師渡孟津至潼關

自成亦出關逆戰諸軍夾攻大破之賊遂棄關遁
回西安焚宮室由龍駒砦出武關走湖廣正月至
浙川復入城焚掠殆盡我兵兩道追攝連蹙之鄧
州承天德安武昌窮追至賊老營大破之者八是
年九月自成伏誅於通城九宮山明年其餘孽王
二等據竹溪旋至浙大掠而去

明史聖武記縣志

嘉慶二年教匪李全由信陽轉應山隨州向確山
趨浙川奔盧氏慶成勦之賊益西由內鄉盧氏諸
山進逼武關商雒所至驅脅復有商南新起賊五
六千應姚之富齊王氏皆追及於鄖西連兵西上
遂由陝入川

聖武記

五年十二月川賊相繼復窺漢而冉天士樊人傑
衆二三千復奔石泉江岸慶成截其半濟其先渡
河之千騎由五郎華陽東奔額勒登保即率楊遇
春回濟漢北邀其赴商雒之路慶成亦伏兵石泉
江岸擊破高馬等賊時冉學勝伍懷志殘賊各僅

二三百適樊冉二賊至復合隊裏脅數千楊遇春
穆克登布突擊于洵陽溺禽斬六百餘賊奔江口
留樊賊綴官兵而冉學勝步騎二千先趨高雒間
道楊遇春等敗步賊於龍駒峇復邀其騎賊於武
關荆紫關與綸布春江啟軍三路截擊賊始不敢

東竄

聖武記

咸豐七年二月襄陽土匪由均州房縣竄入豫省
浙川內鄉諸境內鄉知縣楊鏞率團抵禦賊伺隙闖
入縣城南陽知府何懷珍及紳士高振完高振洛
各率勇團馳往會合楊鏞勦斃匪衆收復縣城時
南陽鎮總兵邱聯恩方陳師楚豫境上合楚擊勦
兼固豫圍得報急回軍勦捕時所部不滿二千十
四日至李官橋猝與賊遇擊斬數十人追二里許
忽左右伏賊四起圍之數重兵士相顧失色邱聯
恩連射賊皆應絃倒因引滿注矢擬賊騎罔敢進
者既出圍步隊為賊因復躍馬大呼入圍拔出之

凡數入入輒手及十數人近之者皆辟易或瞠目
立如偶不能仰視是役也邱聯恩壹矢皆竭血水
刀環間纒寸許比至半扎店籍傷亡兵勇數流涕
自責親為裹創傅藥衆皆感奮期翌日復戰於文
曲集賊聞大懼乃夜遁復回襄陽

豫軍紀畧

十月十三日角子山土匪由武關竄擾商南縣為
守城兵開礮擊退始遁走富水關一路回竄浙川
廳境之西坪人數稍衆僧營總管德楞額等率軍

追躡十七日抵丁河店偵知賊自北山溝竄踞北
峪山十八日我軍鈔進山溝先令馬隊於溝外斷
賊鈔路德楞額等親率步隊躡越亂石嶺奮勇進
擊匪衆迎拒兩山飛石如雨我兵開礮斃賊七十
餘匪由山後鈔襲我軍為馬隊截殺始敗退我軍
馬步併力衝殺復斃賊數十匪向山僻竄遁山深
路險官兵馬隊不能馳騁且我軍自九月初入山
追勦每日馳逐層巒間不少休息人馬疲乏溲漆

派生力軍助勦於是巡撫英桂飛檄邱聯恩一軍
迅赴浙川內鄉會合德楞額相機勦擊未至而匪
已遠颺矣

豫軍紀畧

十一年九月十一日皖匪姜太林掠新野趨樊城
復由鄧州入內鄉浙川荆子關副將伊里綱阿等
號召丹河兩岸鄉團以禦賊二十六日賊萬餘竄
至清風嶺山口徑曲路窄賊騎不得騁鄉團敗之
殲馬步賊四百餘追至浙河擊賊半渡斬黃衣賊

目賊敗奔由內鄉鎮平竄南召

豫軍紀畧

同治元年二月粵匪由南陽趨鎮平內鄉入西峽
口始縱教掠折由西坪襲富水關入陝西商雒進
擾尹家衛

豫軍紀畧

五月偽扶王陳德才分股竄鄖西擾及浙川之戴
家河距荆子關數十里初陳德才自渭南竄出欲
至安徽援英逆陳玉成經西安將軍托明阿等沿
途截勦破之遂竄河南聞陳玉成已伏誅因在浙

川內鄉一帶掠地攻城而陳玉成所部之衆自玉成伏誅後窮無所歸六月竄擾南陽府為楚軍擊退復由浙川廳馬蹬雙河鎮厚坡李官橋一帶竄擾河南兵力單薄無制勝之師致被沿途裹脅並糾合捻匪復有衆四五萬七月竄湖北光化縣之

老河口

豫軍紀畧平定粵匪紀畧

八月粵匪攻浙川廳署同知馬筮乾力守九日擊退之餘衆由李官橋沿河遁入楚荆子關向無城

僅署副將德培領弁兵五十駐守賊圍浙川時分股由馬蹬攻陷之荆州將軍多隆阿自商南督軍回勦二十一日夜由陡溝出隊偽扶王陳得才與偽啟王梁成富偽主將馬融和等率黨萬餘列隊迎拒副都統穆圖善總兵趙既發姜玉順王萬年等分軍為四前後環攻逆勢不支紛紛敗潰我軍追至荆子關縱火攻之擊死賊目三名生擒七十二名斃賊三千四五百名焚溺死者無數追殺二

十餘里遂復荆子關餘匪由馬蹬竄入鄧州

豫軍紀畧

平定粵匪紀畧中與名臣事畧忠勇公傳

是月皖匪攻博望驛僧營營總恒齡侍衛卓明阿

等追擊之斃賊三千餘賊由山徑竄鎮平恒齡等

因馬隊不能入山折回東路賊往來內鄉浙川山

中依山阻險入武關擾商南縣賊首姜太林等直

至城下荆州將軍多隆阿適至衆未集乃出奇勝

之斃賊二千餘乃竄逸閏八月初七日回擾黑漆

河初八日竄重陽店丁河店西峽口邊騎至五里

川十二十三兩日攻內鄉城不克乃竄鄧州

豫軍紀畧

十一月皖匪與粵匪合股由新鄧浙川李官橋諸

處環轉遁入鄖陽西竄房竹

豫軍紀畧

同治二年十月皖匪張總愚由南召竄鎮平初五

日犯內鄉縣城總兵張曜追及揮兵縱擊賊敗走

初九日犯浙川廳城同知馬筮乾禦之賊據北鄉之

馬蹬板橋蒿坪姚灣其地西通商維南達鄖襄張

曜恐賊走秦楚遣豫中豫後靖淮三營由北山繞
赴西坪臨勝楚勝各營并郝永剛所部倍道疾走
荆子關自率嵩鎮豫右等營扼舊縣絕其入陝之
路時張總愚方窺武關而川匪藍二順由漢中興
安竄商州稜稜東犯巡撫張之萬檄張曜嚴備飭
道員葛承霖以新募湘勇四營由唐鄧馳往浙川
助勦張曜抵舊縣後分布各營令李世玉屯蒲塘
教天印屯卧龍崗郝永剛屯攬子嶺周登高屯東
塢保英單體屯花園關張士元羅輔臣屯兩河口
荆子關副將裴政屯娘娘洞以勦為防日有斬獲
賊伏板橋川山中專攻民砦砦皆築山巔水道迂
遠賊以數百人斷汲道即一砦生困一日間分擾
數十砦其大股則扼板橋要路與官軍相持於是
各砦紛紛請兵十五六等日張士元羅輔臣率隊
往援阻山險不得進郝永剛絙崖而上因解金龍
砦之圍十八日李世玉教天印擊賊於毛塘斬首

數十級二十日賊攻攬子嶺郝永剛營搶礮環擊不退張曜率軍由河西鈔賊背賊譁潰斬首百餘級乘勝解馬砦之圍賊墮崖澗死者甚衆二十一日賊繞東山復攻郝永剛營我軍先於山口設伏突出要擊賊驚遁追至上集二十二日賊分股犯廳城同知馬筮乾擊却之賊退踞馬蹬夜攻二郎砦民團擊退二十三日復攻二郎砦又擊走之二十五日賊繞出河西攻駐馬板山兩砦張曜往救擒斬數百賊因壘石斷板橋川山口以拒官軍二十八日羅輔臣由靈官崖進屯橋溝伐木為壘壘半成賊衆突至我軍憑半壘列隊擊退之追殺十餘里郝永剛亦截殺攬子嶺攜糧賊是日藍二順竄至西坪保英及高自秀邀之斃賊百餘賊敗至護水關界嶺距西坪十餘里三十日川匪大股驟至保英等鏖戰數時殺賊三百餘把總沈福全戰歿張曜馳援敗賊於回馬溝張總愚知藍逆已至率

衆分犯郝永剛羅輔臣營我軍盡力截勦賊始行
退李世玉亦敗賊於毛塘十一月初四日川匪犯
重陽店營張曜督張士元等奮擊追殺二十餘里
賊於花園關築木壘死守初五日我軍自回馬溝
繞出花園關後直擣西坪攻破之賊向荆子關大
路狂奔花園關賊亦棄巢走至小陡嶺敖天印先
已據其險要矢石交下追兵自後擊之殪賊數百
斃黃衣騎川馬賊三棄資械無算狂奔百餘里竄
據青山口地屬商南距荆子關八十餘里張曜令
敖天印高自秀扼關前防回竄初九日張總愚分
股犯攬子嶺鎖河口毛塘卧龍崗郝永剛羅輔臣
李世玉周登高分路却之各軍滾營而進十八日
羅輔臣搶紮下鎖河口乘月築壘一夕而成與板
橋川隔一河十九日賊見營壘糾衆出攻羅輔臣
率隊截殺斃悍賊數十是夜孫之友會同馬筮乾
襲破鎖河北雞山根賊營進踏河西賊壘斬首數

百級張灣賊衆皆不戰而遁張曜聞之夜令各營
嚴備自督親軍由上鎖河循岸東行遙聞賊騎蹶
踏聲揮軍截之賊棄輜重狂走擒斬二百餘獲賊
謀言總愚欲往魯山嵩縣四棵樹暫屯再由潼關
西竄張曜遂令蔣希夷周登高自馬山口搶屯四
棵樹令湯聘珍率馬步追擊賊於二十一日攻內
鄉縣知縣朱琨擊走之二十二日賊竄馬山口

軍紀畧

豫

三年三月初一日粵匪攻內鄉知縣朱琨參將周
兆常以噴火筒火箭攻破之賊駭奔由下瓦亭入
陝西商南境之龍駒砦竹林關穆家埡時又有鍾
得終股犯荆子關為總兵李殿元參將裴政黃貴
誠等設伏擊敗由屈元岡至內鄉旋復有分股由
淇河莊猴兒山突入荆子關縣丞張鴻緒率勇抵
禦李殿元裴政回兵擊之賊乃遁

豫軍紀畧

二十三日偽啟王梁成富由鄧州元店南竄二十

四日僧師營總春壽擊之軒西里殺賊百餘二十
七日總兵張曜宋慶副都統善慶色爾固善等追
及浙川泉山斬悍賊二百餘擒偽朝將林喜桂偽
澍天安徐隆明梁正坤等并長髮賊百餘奔北山
者一股我軍追戮殆盡越日五鼓梁成富自率醜
類沿山冲突我軍分勦逾一時善慶及游擊蔣希
夷率衆奮擊賊始由板橋南蠻子營翻山遁我軍
逐北間偵知偽朝將邱陳李三賊糾領馬步七八
千由西北至張曜會同色爾固善善慶等部勒各
隊於板橋川老鶴河東岸狙伏伺之賊至我軍突
起騎兵抄擊斃賊無算生擒邱陳二賊日二十九
日追及浙川境之娘娘洞我軍乘夜渡河與宋慶
軍合復鏖戰中槍及溺水死者甚衆四月初一日
張曜等浮渡丹江由滔河直越楚境追賊入鄖陽

豫軍紀畧中興名臣
事畧張勤果公傳

八月皖匪張總愚由馬山口循山西竄張曜宋慶


等三路追擊連破之賊紛竄南陽之清華鎮鄧州
之先主山鎮平之侯家集邊騎至鄧浙交界之李
官橋復趨南陽攻破周營畢營宋砦

豫軍紀畧

十月張總愚竄鄧州踞構林關十一月十一日宋
慶等環攻之賊棄砦西遁竄至文曲集我軍遂克
構林關二十二日賊竄浙川攻李官橋砦為團勇
擊退折竄鄧州之厚坡據卧牛山廳境於是始無
賊縱矣迨後五年春皖匪賴任股由楚竄豫擬自

鄧浙西趨出荆子關循商維入秦與張逆股合疊
為諸軍所挫始折而東六年李文忠運防議興宋
慶張曜皆調赴東省會勦於是湖北巡撫曾國荃
檄提督姜玉順以所部扼紮荆子關防西賊張總
愚回竄從巡撫李鶴年之請也賊乃取道晉省以
窺豫疆紛擾濟源河內溫孟等處云

豫軍紀畧



浙川直隸廳鄉土志

卷三

地志

卷三

三

三

三

三

三

三

三

三

三

三

三

三

三

三

三

耆舊錄

事業

周

范蠡史記註云楚三戶人三戶者今之城南淤村保也明一統志謂在內鄉西南時浙川併入內鄉未分設故耳事蹟見史記越世家

漢

鄧昱析人事蹟見漢書王莽傳

晉

王豹順陽人事蹟見晉書忠義傳

范晷字彥長順陽人事蹟見晉書良吏傳二子廣稚均附見晷傳

范汪字元平晷之孫也父稚早卒依外家新野庾氏事蹟見晉書本傳

范堅字子常順陽人汪之叔也事蹟見晉書范汪傳子啟亦以才義顯於當世



郭舒字雅行順陽人事蹟見晉書王戎傳

宋

范璩順陽人見宋書

梁

范雲字彥然汪六世孫事蹟見梁書本傳

元

李朮魯州字子翬祖德從憲宗南征因家順陽事蹟見元史本傳子遠字明道博通經史篤承家學

授秘書郎轉襄陽尹居南陽賊起遠以忠義自奮募壯丁拒賊戰敗見殺妻雷氏罵賊死舉家被害雷氏見元史節婦傳

杜清本陝西人幼從父景從居浙川遂入浙籍賦性聰慧端謹積學修行元初累官至奉政大夫南陽知府上騎都尉卒追封京兆郡伯子文秀好學慷慨有大節文宗時累官襄陽總管廉明剛果政平訟理加輕車都尉卒封京兆郡伯二子皆顯

唐琮浙川白亭人伯祖臯金陝口鎮將父慶仕元為江淮軍民安撫使至元十二年琮襲父爵歷陞懷遠大將軍萬夫長唐州軍府萬戶時安南不庭奉詔會諸將屯靜海鎮大戰於鹽場之三江口琮率衆先入手刃數十人歿於陣事聞朝廷震悼部曲有割股肉以祭者

明

徐敬浙川人洪武八年判開州時國課逋負多弊

敬至首鋤奸猾完賦安民陞甯海知州

謝高浙川人以貢生任府軍後衛經歷軍政清明行伍肅然廉能並著

李甯字惟靜浙川人律已端莊蒞政勤慎有古人風全翁浙川人成化中以恩選為瀋府審理賦性純篤老成練達

王經字載道浙川人幼聰慧敦孝義甘淡薄以窮經好學為務以諸生選入成均甫半載忽思親曰

吾應貢卒業因學也今母老矣遠遊不奉晨昏所學何為乃告歸養

李豫浙川人性至孝正德間由恩選為濟甯州吏目因母老歸養一日母病有盜至豫出囊積以情告曰傾貲餽君等無驚吾老母盜感其誠咨嗟而去嘗拾遺金訪主人還之廬父母墓六年有白兔甘露之應事聞詔旌其門

王浩字宗盛浙川人以舉人任東河知縣調任伏羌政尚寬簡教二子成名長尚志以歲貢判高郵州次尚忠以舉人官山東貴州兵備僉事以廉能稱政聲卓著

賈縉馬澄保人早喪父事母孝母病思肉腹疼甚不能赴市乃密割膺肉作羹母食遂愈兄弟同居人稱孝友

穆孔曙浙川庠生性至孝執親喪廬墓三年有白兔甘露之應奉旨旌表建坊

何天縉家貧至孝葬親無資以衣抱土^為墳廬墓盡
禮撫院建坊獎勵

全璉字東玉浙川人少聰穎讀書目數行下日記
數千言年十九舉萬曆丁酉科解元戊戌進士性
至孝不忍頃刻違養分部後思親至病慨然曰義
不作絕裾生乃循例請假歸娶未成婚卒弟琮字
季璜崇禎元年恩貢生行誼直方才聰學富讀書
自幼不計程限文名籍甚而多不留稿癸未李自
成南下浙川大亂琮不屈投水死

彭凌霄萬曆庚子舉人甲辰進士選入翰林歷館
禮部侍郎再充會試同考所得多知名士卒贈尚書
李呈祥浙川人性敦樸教子仙齡等俱成名崇禎
十年流賊困城兼淫雨疫癘避難之民饑且病死
者甚眾呈祥遇即衣之哺之率家人掩積屍人皆
稱善

李可登浙川人賦性耿介有里役解銀百餘兩醉

遺村側為登所獲隣人競欲分焉登曰彼人全家性命皆係於此分之何忍次早里役倉皇至原封還之同時有靳君顏者市井之細民也崇禎十年流賊破城偶獲百金尋原主還之府縣旌其門曰慕義還金

李橋字廷柱浙川人家貧好學教子耕讀士從遊者諄誨不倦門下知名士甚多居恒不治生產惟以典籍自娛避塵世紛擾隱居南山中三十餘年與居傳衆爭訟悉化人皆載德口碑載道年九十六壽終門人立位祀之

劉玳字崑明崇禎歲貢避亂隱居教子成名不慕仕進綽有高風

國朝

王業鞏庠生家貧竭力供甘旨順治二年李自成餘孽王二等據竹溪旋至浙川業鞏父年八十餘不能行業鞏乃負其父避賊賊追及射殺其父業

鞏抱父屍痛哭罵賊賊割其耳鼻罵愈甚斷其舌而死

閔中倫庠生事親孝父年九十愛日彌篤宗族幼孤撫養成立有鄖人遺金生適拾之查還原主時邑宰學官扁其門並為贊以美其孝弟廉讓

李瑛庠生奉母遷居中途遇虎執棘力禦虎竟退冬日母病思鱸涉水求得又拾楚客遺金尋還之李璟庠生孝於父母比墓廬墓三載事繼母亦孝學使莊旌其門

劉明哲增生事繼母孝病侍湯藥衣不解帶者累月及卒廬墓盡禮途遇鬻女者以館金之半付之俾全骨肉族遺孤女無歸撫之代為婚嫁

劉印心貢生事母孝侍疾不懈道光七年舉報孝弟授徒盡心精歧黃不受謝

劉普庠生事繼母孝兄弟已析居又時以己財分潤之善醫為人療疾不取利里黨稱之

陳詔幼失怙母患癱躬侍湯藥二十年如一日家
本素封建詞堂修宗譜置祭田立義塾恤寒士拯
饑民凡有裨宗族鄉黨者皆殫力為之子自強自
潔均克承先志

全森倫庠生事繼母孝並於張皇溝重修古橋及
丹江渡船

賈會午廩生道光七年舉報孝弟輕財重義遇窮
者必周卹迄今七世同居鄉里稱為忠厚傳家

楊繼善貢生少孤事母孝母老失明百計罔效生
以舌舐之即愈人稱孝感其餘若賑饑卹隣造船
修路施棺木義地諸善舉靡不踴躍樂行子耿光
拔貢事繼母盡禮弟覲光繼母所生比長分已產
益之慰親心歲饑糶糧大斗減價暗中施惠授徒
不取贄貧者資以膏火弟從善庠生事庶母如嫡
母事胞兄如嚴父性愛施濟克承兄志里人為建
善人碑道光七年舉報孝弟

張廷彥廩生耽讀書孝父染疾瀕危生年纔十四侍疾目不交睫者累月獲痊一兄兩弟友愛逾恒里有兄弟不和者聞風知愧道光七年舉報孝弟亢超監生事孀母及祖母孝母病衣不解帶二年他如捨地以便營伍施棺以卹死亡河漲溺人出重資以拯救歲饑助賑設粥廠以生全

劉照堂孝友性成與弟明堂侍親膳必拱立食畢始退親疾寢食俱廢親歿撫幼弟教養兼至他如歲饑賑濟掩埋暴露施藥周貧猶其餘事

吳伯融庠生親喪哀毀骨立又敦姻族周貧乏人以孝友謹厚稱之道光七年舉報孝弟

尚懷先幼失怙事母孝母歿廬墓盡哀值歲祲鄰里勸賑無應者生獨出資散給

孫儒林貢生家素封好施濟寒捨棉衣饑發賑粟子篤文尤為樂善咸豐二年丹水冲徧義地捐資遷墓遺骸又築丹水壩數處并於要處設渡船七

年出粟貸饑歲稔不索償

楊春榮性長厚咸豐七年歲饑出粟賑濟存活甚眾
又將稞斗減去一升以為常

李祥歲荒拯饑於家內設食以待餓者巡行近村
遇貧者必饋之或擲錢道旁俾拾取

李占魁事母盡孝教子成名凡文廟書院祠宇道
路橋梁靡不辛勤贊襄修治

李倬貢生就教職事祖母及鰥父得歡心道光七
年舉報孝弟

龔懷珠咸豐七年楚匪竄橋鎮老母病不能行促
子婦輩遠避甚至以頭觸壁欲先死懷珠無奈佯
起行實率子等暗伏左右賊至詰以不去之故得
其實歡曰此孝子也殺之不祥遂免於難

張希舜農人子也母劉氏病急心疼瀕死希舜援
刀割胸肉一片煮之和藥以進母食即愈陳見成
亦農人子也事母孝母失明出入扶掖不少懈一

日母以餘肉賜食夜復索肉倉卒無所得肉暗割
左腹肉烹以進與前明賈縉事後先媲美夫毀身
奉親本非常經故干例禁然愚夫一念之誠似未
便聽其湮沒故仍錄之


列女

宋

楊香順陽民女也從父豐出田穰粟父為虎所噬
香年甫十四歲手無寸刃乃直前搯虎頸救之父

得免太守平昌孟肇之賜穀詔旌其門

圖書集成引
八編類纂



浙川直隸廳鄉土志

卷四

周

陟岵先生析人姓邦不知名字博學篤志隱居岵山之陽終身不仕詩陟岵篇即其所作也



晉

范甯字武子汪次子也著有春秋穀梁集解事蹟見晉書范汪傳

劉宋

范泰字伯倫順陽人甯之子也著有古今善言二十四卷及文集傳世子昱字蔚宗著後漢書體大思精與班固前史相輝映云事蹟均見宋書本傳范宏之汪之孫也雅正好學事蹟見晉書儒林傳

齊

范縝博通經術尤精三禮著有文集十五卷子胥字長才能傳父業事蹟見梁書儒林傳

梁

范雲見事業著有文集三十卷行世

周

范迪鎮孫也父胥迪少機辨善屬文仕周歷中書黃門侍郎有文集十卷弟邁文采遜於迪而經術過之位至中衛東平王長史

唐

范傳正字西老順陽人父倫為戶部員外郎有名當時傳正著有西陲要畧三卷事蹟見唐書本傳

范允祖順陽人善書竇泉述書賦咸稱之

元

李朮魯州見事業著有文集六十卷行世

明

黃裳字蠻衷浙川人永樂壬辰進士官翰林院修撰纂修國史並性理大全有功文教

彭壽浙川人少篤學淹貫經史著有天問等篇籍甚人口孫凌霄見事業著有蒼雪軒詩稿行世

全璐字仲北庠生進士璉之仲弟也耽心嗜古行

高當時肆力臨池書法道勁長於吟咏所著有菊
趣軒集子歲貢鉉節踵成之

埭名宦祠

名宦祠在文廟戟門東

國朝康熙十四年知縣于先登創建入祠者知府八
國朝劉拱宸知縣十五人明武文劉繼樊瑀沈鉉熊
价李奎趙廷璋諶忠王宗堯林文黼陳柏王道劉
承範王麟趾

國朝王然教諭八人明習善程驥彭鈞薛紹簡聯令
狐槐張時獻金之鈍訓導四人明張果劉震李元
敬齊王賓竊惟知府宜入府志知縣等事已具前
政績錄謹將教諭習善等次其厓畧如左

明

習善湖廣舉人宏治間任浙川教諭清廉自持周
濟貧乏士民感德

程驥滕縣舉人正德間任浙川教諭自甘淡薄品

學老成

彭鈞漢陽舉人嘉靖間任浙川教諭行修德厚允
為師範

薛紹湖廣荊州舉人嘉靖間任浙川教諭講學有
本勤於課士歷官鹽運使

簡聯廣東四會歲貢嘉靖間任浙川教諭捐修文
廟兩署縣事公廉文頌

令狐槐山西猗氏舉人隆慶間任浙川教諭溫恭
持已誠實率人官至副使

張時獻江西南城舉人萬曆間任浙川教諭繩趨
矩步剛介自持

金之鈍湖廣廣濟舉人崇禎間任浙川教諭學宮
多所捐修為文原本經史勤於課士學者稱復濱
先生時訓導秦君蜀人卒於署之鈍為歸視數千
里外其義尤難他如暮夜卻金施粥救饑口碑在
人後以最陞興安知州

張杲山東武安歲貢嘉靖間任浙川訓導賦性廉
介廬墓稱孝

劉雲直隸唐縣歲貢嘉靖間任浙川訓導身重節
義以勵風化教先實行而次學問

李元敬湖廣武昌歲貢萬曆間任浙川訓導不受
餽遺

齊王賓偃師人萬曆間任浙川訓導與張時獻同
時以名義相砥礪不為苟得時謂兩人不愧人師

此外又有原都壇合祀明副都御史原傑監察御
史吳道宏知縣武文初明成化間朝廷以湖廣荆
襄流民游至行將構禍命原公設法安武撫恚得
其所吳公繼之稟承原公意經畫周至吏民感念
遺澤合詞籲請為兩公建祠於城北門內有司循
例於春秋上戊日致祭而浙川初建縣時知縣武
文亦有功於浙並於原公祠側專祠致祭迄今祠
俱久圯於是並移武公與原吳兩公合祠於原都

壇壇即原公祠遺址也

鄉賢祠

鄉賢祠在文廟戟門西

國朝康熙十四年知縣于先登創建入祠者十人明徐敬謝高黃裳李甯王浩王尚志全璲彭凌霄全翁李豫事俱見前

忠義孝悌祠

忠義孝悌祠在文廟崇聖祠左

國朝雍正五年知縣黃廷相奉文建入祠者有明孝行穆孔曙一人事已俱前

忠孝節義祠

忠孝節義祠在文廟東偏

國朝光緒四年同知方惠奉文建入祠者武弁三人兵丁九十二人鄉勇九十二人紳士一人民人十人婦女三十六人次其事實如左

武弁

張德信浙川人唐縣把總咸豐二年從征湖北於
十一月初九日在蒲圻縣守城陣亡經湖北巡撫
胡林翼奏請從優議卹給卹銀百兩予雲騎尉襲
次完時以恩騎尉世襲罔替子英謀同父陣亡奏
請給卹銀五十兩

傅致盈浙川傅家村人懷慶左營千總署守備都司
銜咸豐九年十月二十三日在鹿邑縣與皖匪接
仗陣亡奏請從優照遊擊例賜卹世襲雲騎尉

兵丁

孔常興浙川守兵嘉慶元年楚中教匪滋事隨營
湖北陣亡請卹附祀昭忠祠

黃先春荆關馬兵咸豐三年從征湖南陣亡於長
沙其妻時氏殉節撫軍旌其門曰忠烈齊芳

曹坤魏陽春李德魁等五人荆關協標兵丁咸豐

三年從征湖南長沙與粵匪接仗陣亡

李景清馬書鳴尚純義楊玉魁等六人俱荆關協

蔡振祥曹永貴

標四汛兵丁咸豐四年從征湖北武昌與粵匪接

仗陣亡

張樹德

魯新才李太元李林魁穆志有王清雲
杜仁義全文彩楊新祿凌懷義等

十人俱荆關協標四汛兵丁咸豐七年二月十三

日隨南陽鎮總兵邱聯恩追勦楚匪於李官橋接

仗陣亡

呂得平荆關營兵咸豐十年三月二十三日在新

鄭縣鐵爐地方與皖匪打仗陣亡

黃祥成荆關營兵咸豐十年閏月初七日在柘城

縣李園砦與皖匪打仗陣亡

李學斌

杜學魁習選李得元徐魁常紹經鄒呂南
李玉郎趙東海張有德李光全胡國生萬

鴻德李振興曾全勝徐茂才杜尚順褚萬隆章林

魏有魁史獻堂劉有才張登甲駱成科張全福王

振德徐史照耿福壽程景勝會長清王成德朱成

善鄭有成趙得魁王春德鄭士得全珍姚朝富殷

起中陳長興郭德順劉興珍張全林霍有才周文

德郭法元殷起法路法走王順法程中林王學義

袁成林劉聚孫守儉王玉奇蔡振輝張海川相長

興李鳳秦楊德春郭志上張永勝李得功袁朝貴

張起麟龔全貴等六十七人俱荆關營兵隨王副

范永得

將慶長西坪汎千總方秉義於咸豐十年閏三月十四日在鹿邑縣馬埠地方與皖匪接仗陣亡

鄉勇

李永安

姜國清王長林謝建功楊可然田學易張

張三茂

王金山尚守信尚榮尚華尚富周萬朗翟

化鶴

張有成湯守義許成瑄鄧雲鄧雨龔振名毀

振坤

劉孟學張學禮劉信高大發蘇相林楊發才

黃中禮

黃中士湯應士張進隆馬盡忠田玉寔楊

信官

王書紳王書佩王繼祖

王書榮

王繼先韓志興等四十六人俱浙川

鄉勇嘉慶二年在洪洋溝及李官橋等處禦賊被

戕身死

石勤修

周小春徐福金百福王成有李全福李三

喜王黑

羣楊六黃心才粟應乾周遂春劉惠張天

仁張小

墨周魁徐大安馬滿堂楊春法劉化興周

中順

王傳周三科陳順德高步堂井淦樂王合壽

馮月

陳三科陳成垂王大漢劉志才馬祿七程長

明王羣

井洋田周新成

裴獅子

王百興羅應昇等四十六人俱李官橋鄉

勇咸豐七年二月十二日楚匪入橋鎮力禦被戕

紳士

荔建清浙川庠生嘉慶元年流賊入橋鎮罵賊而死

民人

張炎

張守張書于振海于振江劉克己楊自超張修周天靈周雲楫宋顯宋子倫

等十

二人俱浙川民人嘉慶二年正月在李官橋禦賊

傷亡

婦女

陳氏吳萬順妻咸豐七年二月楚匪入橋鎮氏恐

被污投河死同時死難者有徐元妻金氏

楊亞妻李氏陳

興奇妻趙氏鄭文玉妻穆氏穆太榮妻劉氏冉志清妻邢氏賈振先妻多氏鄭鳳岐妻劉氏蕭學魁

妻賈氏賈文祥妻王氏賈成羣妻王氏陳良俞妻

馬氏劉定德妻王氏楊朝治妻柴氏彭中甲妻鄧

氏李天發妻姚氏王明妻申氏王有妻侯氏謝得

印妻張氏方釗妻璩氏楊紹德妻程氏張馥妻姬

氏張融妻全氏周榮妻謝氏王保成妻羅氏賈仁

妻張氏張明盛妻彭氏吳九亭妻鄧氏呂朝陽妻

朱氏李國林妻曹氏王文禮妻岳氏姚光榮妻郭

氏陳成祖母李氏張全貴女張氏高文太妻李氏

等三十六人並援例請卹入祠

節孝貞烈祠

節孝貞烈祠在忠節祠南

國朝雍正五年知縣黃廷相奉文建入祠者為元字

尤魯雷氏以降凡二百餘人為次其事實如左
元

雷氏順陽人字尤魯遠妻遠為襄陽尹拒賊被害
雷氏為賊所執欲妻之乃詆賊曰我魯叅政冢婦
縣令嫡妻烈女不更二夫肯從汝狗彘以生乎遂

見殺

見元史

王氏順陽民女賦性純謹及笄適內鄉舉人李曉
甫六年而曉病卒氏自縊死郡守段堅奏請建坊

旌表祀南陽府節義祠

明

徐氏浙川人徐敬之女及笄適內鄉鄭清三年而
清歿氏年二十三歲遺腹生子躬自績紡以撫養
之翁姑憐其幼令別適誓死不從守節終身

趙氏楊棟妻二十三歲夫卒欲以身殉遇救獲生
乃事姑撫子苦節三十年

燕氏全晉鄉妻年二十三歲夫卒舅姑俱髦氏恪

供甘旨教子入庠

武氏劉櫛妻年二十夫卒子元甫七月矢志育孤
守節四十年以壽終

李氏王誥妻年二十三夫卒堅苦自守訓孤王中
入庠中卒婦魏氏年二十奉姑守志人稱雙節

程氏生員李茂春妻未三十而夫故撫三歲孤方
馨成人孀居四十載勤儉睦鄰且有實行過人處

李氏仲蘭板橋李實女許字同邑彭光澤未字彭
病卒女聞之在家自縊死

全氏金梅全言道之女許字同邑張邦彥未娶邦
彥卒金梅年十四自製白衣裙隨母送葬是夕自
縊死里人莫不哀之遂議合厝焉

李氏馮世泰妻成婚一載而泰卒氏年十六即於
夫死之夜扶柩自縊姑全氏驚覺解救乃卧床却
食六日死

王氏生員李仙標妻事舅姑以孝聞姑染癩症三

年不起氏謹奉湯藥朝夕焚香願以身代姑久病竟愈邑人異之

李氏全琬繼室琬母王氏年二十九而寡撫孤子琬守志二十九年兩目瞽氏歸琬安貧盡禮甚稱姑意琬病瘵二年氏晨昏侍藥餌無怠先是氏生子至是暴殤氏匿不令琬知亦不自哭家人異而問之曰吾夫妻子世終會一處復何傷無何琬卒氏絕食其姑及家人勸阻且防護甚密乃強進食將

卜葬闔族會奠氏乘間自縊死時年二十八萬曆四十六年御史張惟士奏聞建坊旌表

賈氏王氏俱侍郎彭凌霄側室彭卒賈不食七日自縊死王守志五年有內鄉符生者用強逼娶王氏曰吾侍郎妾也斷髮哽氣而亡有司奏請坊表曰雙烈

郭氏魏可嘉妻夫卒守志多年完名無玷

劉氏汪汝福妻夫卒守節五十餘年

彭氏生員王朱聘妻夫卒守志終身

張氏劉嘉賓妻守節六十餘年

凌氏鄧友德妻守節四十三年人無間言

王氏謝調元妻年二十一夫卒自縊以殉

李氏尉其志妻夫卒三日不食自縊柩側

趙氏魏國昌妻夫卒遺二子長方四歲次周歲氏

苦志撫育紡績佐讀二子遊庠

李氏內鄉李方伯執中女適浙川監生李芳馨值

流賊張獻忠破城人勸避匿氏度不能保全遂自

焚死後三子俱入邑庠進士許宸為作烈婦傳

蕭氏生員願行妻賊至夫適在宛應試氏為賊所

逼棄幼子撞石而死

國朝

張氏生員李士然妻劉氏生員劉漢喬妻順治二

年正月流賊李自成敗走復破浙張氏抱子投水

死劉氏投井而死

陳氏謝麗妻夫卒氏二十二視殮畢拜辭翁姑自縊死

衡氏李春榮妻夫卒子女俱幼時值亂離堅志苦守歷節五十餘年

楊氏生員李向榮母夫死遺孤甫周歲兵燹之餘苦育成立歷節四十餘年

龔氏王廷璽妻夫故遺幼子甫月餘氏苦志守節事親撫孤終身

黃氏李忠妻夫卒子幼氏撫育成立未冠而歿乃撫弱孫以延夫祀

全氏姚希虞妻夫卒子甫彌月氏矢志貞守上事下撫

劉氏蒙起端妻年十九歲夫歿氏苦節自誓貧無怨言

徐氏武生傅良棟妻夫卒觸棺求死姑勸而止子娶妻王氏數月復夭無出氏與子媳矢志同守歷

節三十餘年取堂孫為嗣

楊氏武生陳尚選妻年二十九夫亡氏孝親撫子
守節六十餘年

寇氏陳錫爵繼室二十八歲夫亡氏善事哀姑撫
胞侄成立里人賢之

王氏張登妻二十八歲夫卒氏安貧守節事老親
撫幼子并自操之姑久病瘡紡績以奉湯藥苦
節三十餘年

李氏孫國佑妻年二十七而寡守節養親教子成名
趙氏武生楊際乾妻十九歲孀居孝事舅姑取兄
子為嗣

白氏李克顯妻于歸期年夫故寡遺腹生子守節
事親教子成立

杜氏庠生孫耀祖妻二十四歲夫亡誓以死殉姑
勸止之乾隆三十一年丹水漲入室氏扶姑升屋
屋傾遇舟扶姑上姑失足墮水氏躍救抱姑出竟

兩全人謂孝感

王氏馬昌齡妻二十七歲夫歿遺子森甫數月氏守節孝親教子入邑庠

多氏廩生賈志德妻年二十九夫亡親老子幼氏上事下撫備歷艱辛子會午後入邑庠

岳氏監生姚從聖妻夫故絕粒翁姑諭白與其死節從夫何如守節養子且吾二老安託乃泣從命親操井臼以養

荔氏監生元重才妻子歸時夫已病氏整理家政甚得親懽及夫卒教子成立

穆氏李發祥妻事繼姑以孝聞夫故無子取胞姪為嗣

韓氏周禎祥妻家貧紡績以奉舅姑夫卒子甫周藏氏撫育成立

喻氏監生楊際乾妻于歸兩月夫亡以翁姑在義不可死取胞姪為嗣

賈氏馬文亮妻夫故孝事孀姑以胞姪承祧

張氏徐士行妻夫卒家貧親老子幼氏紡績度日自食粗糲以甘旨奉親翁病癱扶持出入苦節終身李氏石基妻夫故矢志貞守歷久不渝

宋橋女因竇四圖姦不從羞忿自盡同時有何趙氏鄭桂氏者并能拒暴損生大節無虧俱隨案請旌張氏朱清昭妻二十七而寡守節事姑姑病癱奉養不懈

劉氏趙宗襄妻十九歲夫故兄令改醮不從孝事孀姑以終

楊氏梁誠忠妻二十九歲守節姑性嚴急氏曲盡孝道取姪為嗣

穆氏馬鳴珂妻于歸夫尚幼氏獨奉晨昏勸夫勤讀夫遊泮後旋卒氏矢志堅守教三子俱入邑庠張氏榮祥妻夫卒家貧子幼氏紡績度日撫子成立王氏貢生劉占鼇妻夫卒姑哭子喪明氏竭力奉

養貞守四十餘年

吳氏劉銓妻夫卒欲自盡姑諭曰汝死老幼安託
乃止孝事孀姑撫子成立

張氏王文彩妻夫卒家貧氏自食糠粃竭力奉親
取姪為嗣

高氏姚從敬側室孝事雙親敬事嫡婦夫卒撫子
守節

閻氏姚從舉妻夫卒親老子幼氏上事下撫慈孝

兩盡

李氏張其翼妻夫卒無近族可立繼姑取異姓子為
後欲嫁之氏謹自防閑遺腹生男異姓子欲加害
氏抱子避難依夫姻家以居十餘年姑歿乃歸異
姓子爭產訟興斷還苦節二十餘年

廉氏白朝生妻夫故姑亦繼逝家計貧甚氏紡績
養翁訓子

王氏簡萬貴側室夫卒養親教子守節三十餘年

張氏李啟成妻夫故遺腹生子翁姑皆七旬氏獨持家政比其子成立曰吾大事已了可見兒父於地下矣乘間自縊

姚氏周信妻夫故欲殉翁諭曰吾祖孫何依氏乃養翁教子終身

王氏馬成良妻夫亡子幼氏撫養成立

王氏監生鄧漢才妻夫故守節事孀姑孝訓孤子嚴陳氏寇光興妻夫卒奉繼姑惟謹下撫遺孤成立

魏氏寇光先妻夫故絕粒欲殉以舅姑年老乃止

王氏寇陞妻夫卒撫子成立敬事繼姑

馬氏寇光宗妻事祖姑及姑以孝聞祖姑卒姑與夫相繼逝子復病歿氏撫孫以延祀

孫氏魏顯妻夫故家貧子中銀甫五歲翁姑慮其無留意氏以死自誓後中銀亦病歿遺孫二媳王氏隨姑苦節兩世同貞戚里稱之

馬氏吳景泰妻夫亡翁姑俱老夫弟尚幼勤苦守節

武氏陳尚爵妻生子數月夫歿氏孝慈並盡姑病
癱朝夕奉事守節六十年

陳氏徐應坤妻生子周歲而夫亡姑哭子喪明氏
扶持出入十餘年如一日

楊氏鄧作棟妻夫歿子生方數月氏撫育成立為
完婚而復夭遺孫二氏復善為撫養

楊氏武生劉耀清妻姑病癱氏奉事湯藥無少間
姑歿夫亦亡氏持家教子守節三十餘年

謝氏葉蘭榮妻夫歿矢志守節取姪為嗣

王氏唐紀妻于歸五月夫歿絕粒數月姑勸以取
嗣守節意少解翁利其嫁商之氏父氏偵知投繯死
張氏陳治和妻夫故有娠姑諭以分娩後聽他適
氏以死誓進生子撫育成立守節四十八年

全氏李占魁妻夫故撫遺孤成立守節二十餘年

穆氏楊秀詩妻夫故事親訓子白首完貞

梁氏費志道妻夫故守貞教子終身無間

李氏陳鰲新妻夫故家貧伯叔勸其他適願代撫遺孤氏以死辭苦守四十餘年

范氏全炳輝妻道光元年被其姑陳氏之姦夫全金山逼姦不從姑與姦夫燒赤鐵以烙之傷殘下體致死親族報官定讞旌表建坊

劉氏廩生王鼎妻夫卒以耕讀課子成名

劉氏楊秀英妻夫卒孝養孀姑取姪為嗣

劉氏余國相妻夫卒翁姑命他適氏剪髮明志守

節終身

王氏開金陞妻結褵一載夫故孝事翁姑取幼姪為嗣撫育成立貞守終身

劉氏石聖傳妻夫故家貧撫子成立苦守五十餘年

黃氏李珍清妻夫卒孝孀姑撫孤子苦守五十六年

陳氏王雲露妻夫卒守節取胞姪為嗣

鄧氏張新月妻夫故守節四十餘年

龐氏李廷梅妻夫歿祖姑已老子在襁褓氏上事

下撫守節四十餘年

姬氏于成名妻十八歲寡居翁姑俱病夫弟幼弱氏養撫兼盡守節三十餘年

郭氏增生周中魁妻夫歿孝事孀姑教子耕讀守節四十餘年

王氏賈書香妻夫故氏養親教子守節五十三年

周氏全自善妻二十六歲守節翁姑已逝祖姑八旬餘病癱氏生事死葬撫子成立

姚氏庠生全性妻夫故守節事親教子入邑庠

李氏劉聚堂妻生子彌月而夫亡翁姑已老氏孝親撫子姑久病侍湯藥十餘年

萬氏魏青雲妻夫故安貧孝親取夫堂弟子義為嗣

祁氏陳士友妻二十五歲夫故氏兄可生欲嫁之氏因姑老子幼以死誓

余氏庠生權建中妻二十六歲夫亡翁姑老病氏孝養無違撫子成立守節四十餘年

王氏李承先妻二十六歲夫歿氏事親撫孤守節
終身

莊氏徐增基妻翁早逝姑病癱氏養殯如禮夫祖
籍陝西物故乏嗣乃往返二千餘里取夫同宗子
承祧

白氏孫秀林妻夫故姑哭子失明氏出入扶持孝
養終身取夫姪篤純嗣

黨氏張發科妻二十八歲夫亡姑已先歿翁八旬
餘患病氏侍奉備至汪氏張新成聘妻李氏張有
聘妻俱未婚而夫亡汪年十三李年十四均矢志
守貞歸張門晝夜紡績茹苦飲辛事祖翁姑以孝
聞並事伯姑黨氏得其歡心一門三節里人立三
碑以志其事

黃氏孫朝選妻二十八歲而寡遺子昌林方數月氏
撫育成人娶婦李氏三年昌林墜水無踪氏痛兒
病卧李氏泣禱願以身代氏尋愈李氏同姑貞守

既聞夫歿信的絕食而卒

賈氏劉自修妻三十歲夫故時姑柩亦未葬族人
朵頤其產謂無子不應入祖塋氏日痛哭跪族長
門求立嗣乃公議取堂姪永泰承祧時方三齡氏
撫養成立苦節四十餘年

魏氏尚文新妻夫歿遵夫遺命敬事兄嫂并撫二
子成立守節三十餘年

賀氏張振先妻于歸四載夫貿易歿於外子幼姑
多病氏竭力孝養並撫遺子

周氏王國榮妻二十歲夫故越一月生子德彥氏
孝舅姑撫子苦節三十餘年

葉氏李清秀妻二十四歲夫亡祖舅姑及孀姑俱
在氏奉事均得歡喜取夫胞姪培原為後

孫氏程景春妻夫故時年二十五歲姑已歿翁六
旬餘有痰症二子幼氏自食藜藿以甘旨奉翁撫
子成立

尚氏程國佐妻十九歲而寡姑恐氏無留意氏誓以紡織事姑養子

張氏監生南世魁妻夫歿翁姑已老子文化幼而多病氏上事下撫辛勤倍至張氏南世魁副室十八歲而寡同家婦守節牛氏南世明妻夫故立志貞守撫遺子文興成立為之授室而旋病亡媳何氏同姑貞守里人稱為南氏四節

全氏穆印川妻夫故姑老遺二女皆幼日以紡績奉姑養女姑歿二女亦亡仍守苦節

周氏劉正心妻三十一歲翁姑與夫俱亡子幼穉家極貧惟存破屋一間日丐食以撫孤兒成立

鄧氏庠生白純一妻夫卒守節事親教子入邑庠周氏賈廷重妻夫故子殤撫遺孫以承宗祀

陳氏趙懷琅妻事親以孝聞夫亡守貧撫孤

孫氏陳鴻飛妻夫故子甫三齡氏撫育貞守

彭氏楊秀典妻夫亡家貧親老以紡織養生葬死
教子成立守節五十餘年

張氏王恒妻二十四歲而寡姑老子幼家極貧氏
晝夜紡績日一餐粗糲事姑育子並葬夫弟夫婦
收養幼姪

全氏申常泰妻二十四歲守節孝舅姑和妯娌撫
幼子成人

董氏羅懷禮妻二十六歲夫故翁姑憐其青年無
子議嫁之氏不可奪乃止取夫兄次子為後

李氏魏倬妻二十二歲夫亡翁姑繼歿遺子僅十
日氏撫育成立

李氏魏璽妻夫病篤禱神願身代夫故姑得膈症
姑不食氏亦不食取夫堂兄子嗣

閻氏監生顧鴻業妻二十一歲夫故子甫三歲姑
慮難守氏立誓自明織紡教子曜南遊庠

徐氏劉自潔妻于歸八載夫亡乏嗣姑復生子氏

撫若同胞事翁姑孝守節三十一年

石氏全殿釐妻生子五月夫亡翁老姑早逝氏奉翁育子貞節三十餘年

王氏周茂林妻繼室二十一歲寡居無子撫前室子如已出翁姑歿子亦繼歿撫孫成立里人頌之
孫氏藜文魁妻二十一歲夫歿子幼姑在堂氏孝姑養子

張氏周子簡妻二十二歲夫亡勤儉自持孝親撫孤苦節五十餘年子西岐增廣生

唐氏孫璠妻二十四歲夫卒遺一女氏孝事久病翁姑撫幼女矢志不移六十餘歲

陳氏孫琬妻于歸六載夫故遺一女氏撫弱女事孀姑貞節三十年

馬氏宋振德妻二十歲夫亡子生甫數月夫兄與氏析居氏勤儉自勵獨事病姑不與夫兄較人稱其賢

屈氏張如法妻二十歲生子數月而夫亡夫兄與氏析居氏上事舅姑下撫遺子苦節四十餘年

陳氏王延平妻夫亡子方數月氏殉夫自縊姑覺救之氏乃上事下撫六十餘年

劉氏寇光宇妻二十四歲而寡親老子幼氏孝慈並盡守節五十餘年

張氏李清和妻二十六歲生子甫數月夫亡氏撫孤守節三十餘年

冉氏蘭振朝妻二十九歲寡居取嗣守節四十餘年

靳氏陳五福妻二十八歲夫亡之嗣紡績以養孀姑苦節終身

楊氏陳其德妻二十八歲夫故遺子四歲氏守志撫孤五十餘年

呂氏賈成義妻二十九歲而寡氏撫孤子錫光入武庠守節三十八年

張氏樊明春妻二十三歲夫故氏紡績奉姑苦節

撫子五十二年

史氏毛錦章妻二十七歲夫亡事翁姑養子苦節六十餘年

張氏李國珠妻二十九歲夫亡養親撫孤守節三十餘年

李氏李國玉妻二十七歲孀居上事七旬哀姑下撫周歲幼子守節三十七年

章氏溫成章妻三十歲守節姑失明奉事不懈三十餘年

李氏賈廷朝妻二十三歲夫卒撫孤延宗守節三十餘年

全氏王應志妻二十五歲夫故無子取堂姪統嗣方四齡氏苦育自守八十三歲卒

劉氏張存仁妻夫亡因田冲坍於水子永泰永昌相繼亡家日窮典服餽自活每得千錢猶分其半以與貧鄰龔氏張永泰妻夫亡乏嗣無近族扶七

旬姑赴山西芮城往返二千餘里取叔父孫承桃
守節三十一年卒曹氏張永昌妻十八歲而寡同
龔氏並事孀姑時稱張門三節

馮氏陳明芳妻年十七歲夫故族黨憐其幼令他
適氏剪髮自誓以苦節終

荔氏馮魁中妻夫卒氏年二十一歲守貧撫孤貞
節三十餘年

陳氏周心永妻二十三歲孀居家貧親老子幼氏
日食糠粃雜以藜藿苦節貞守矢志不移

曹氏程文勝妻夫卒無近族乃取異姓黃氏子承
桃家貧氏紡績孝養哀姑守貞三十餘年

劉氏陳廷光妻子歸三月而夫故屢欲身殉姑勸
乃止守節五十餘年

荔氏柴定坤妻夫亡奉親育孤子卒又撫遺孫苦
節三十餘年

謝氏畢學德妻二十三歲夫卒守節取族子漢甲嗣

劉氏畢漢甲妻年十九歲漢甲卒同姑守節

張氏沙子丹妻二十八歲夫亡氏守志育孤貞節

三十餘年

姜氏王宗善妻二十九歲夫故家貧撫子成立貞

節三十五年

盧氏監生尹樂莘妻二十三歲夫亡氏守貧育孤

苦節三十餘載

孫氏張百齡妻二十七歲夫故事姑以孝撫子以

慈五十餘歲以節終

時氏馬兵黃先春妻夫從征湖南陣亡氏聞訃痛

甚浼人寫尋夫文引藏髮內即著夫所遺衣冠面

東南自縊年二十三歲副將霍旌其門曰忠烈齊芳

王氏王遵德妻年三十五歲夫卒乏嗣誓以身殉

夫既殮即自縊於柩側距夫亡僅三日

程李氏魏氏胡李氏事俱佚

張氏趙鳴喈妻二十二歲夫亡守節五十餘年

龔氏趙性仁妻二十二歲而寡遺孤三齡氏撫育成立娶媳生孫子與孫相繼歿取族孫為嗣以苦

節終

張氏龔振宇妻夫亡撫九齡孤守節四十餘年

陳氏張伯肖妻年二十八而寡事姑孝撫子慈守

節六十餘載

馬氏監生陳自勇妻翁姑好施輒出匱資相助道

光二十年水災氏屋址高水不及里人奔集氏助

夫為謀食息咸豐二年又災典瘡助賑里人賢之

梁氏文生李致新妻因田坍於水家貧日食菜羹

以甘旨奉姑姑七旬失明翁早逝夫館於外飲食

便溺背負出入奉事三十七年

張氏楊官林妻十九歲夫故乏嗣孝養舅姑夫弟

尚幼撫育成立取姪承祧

毛氏監生臘載陽妻二十五歲夫亡家貧親老子

幼氏仰事俯育備極艱辛

楊氏沈學楨妻二十一歲夫亡事孀姑撫幼子人咸以孝謹稱

呂氏羅習顏妻二十四歲夫卒誓苦守翁姑憐其年少無子為擇富家兒將嫁之已成說氏偵知匿鄰家乃免姑病代姑乳哺守節三十八年取夫弟子恭先為嗣

周氏直隸安州知州李致祥妻二十九歲寡守節四十年教子成立

李氏周於經妻二十六歲夫卒食貧堅守事孀姑以孝聞取夫堂兄子文岐為嗣

王氏龔凌霄妻結褵十一載夫故守節家貧乏嗣代姑撫養夫之幼弟二人各為完娶備歷艱辛

毛氏武生尚維城妻善事祖姑及病祈以身代為夫置妾與妾各生一子撫妻子如已出人稱其賢二十九歲夫故守節六十九年

張氏全有德妻翁早逝家極貧二十二歲夫外出

杳無音耗氏紡績奉姑以老

穆氏監生范景清妻姑病癱侍湯藥背負出入十餘年姑歿翁繼娶氏奉事如親姑人稱其孝

王氏梁誠泰妻夫夏月偶出翁病思肉甚狎無買處暗割左肱肉為羹以進病遂愈年二十歲夫故守節二十四載卒

程氏朱銀山妻代夫力耕姑病疥十年不痊氏割左肱肉調藥奉姑病果愈年二十三歲夫故貞守

六十七年


多氏黃琇祥妻夫就外傅姑忽心疼氣絕氏割肱肉煎湯以進姑下咽即疼止復生人謂孝感所致

郭氏武生朱溯章妻二十歲夫歿孝事翁姑取姪視承祧安貧守節至七十八歲卒學政俞旌其門曰節苦心甘

李氏夫故事親撫孤守節四十餘年學政俞旌其門曰松柏同貞

吳氏謝茂林妻結褵八載夫故孝親撫孤守節五十六年

周氏薛芝妻二十一歲夫亡孝事翁姑取姪體仁為嗣苦節三十餘年



浙川直隸廳鄉土志

卷五

1530 1539
1539
15

人類錄

境內居民漢族以外厥有回族本係土耳其人南



宋末造始自西域遷入本境現在戶約一百七十

口約七百有畸散處境內本城戶約四十口約一

百八十李官橋戶約七十口約二百八十荆紫關

戶約四十口約二百上集水田戶約二十口約九

十到處設禮拜寺每寺必延一人主持為之海蘭達爾嵩司吉函誦經及宰殺等

事每七日男女咸入寺禮拜誦經三百六十四日

為年回子以望見新月為月初三十日為一月無小建十二月為年無閏然算其一歲之終皆

三百六十四日其實皆以七日為一禮拜五十二

禮拜為一年故每年為三百六十四日也其紀年

月日時皆有地支而無天干自入版圖以來雖奉

正朔而民間猶私沿陋習每逢年則製油香餽餽

等物以餽親友年前一月即把齋起漢人稱回子為老把

於黎明後即不得飲食日落星全方恣意飲敬但

不得飲酒日夜禮拜男女悉以淨水遍身澆灌而

後行禮至次月初二日或初三總以望見新月如鉤則開齋過年禁忌猪肉最嚴牛羊鷄鴨不得擅自宰殺每逢宰殺必延海蘭達爾至前合掌誦經口喃喃不知何詞則投以錢鈔而去同姓

皆得為婚喪葬不用棺木惟以白布纏身而已

戶口錄

本境戶口之現數

嘉慶時府志載前朝原額九則人丁一萬九千三百六十六丁開除逃亡人丁一萬八十八丁現在徵賦人丁九千二百七十八丁康熙時縣志載現在九則活丁六千六百八十七丁又圖書集成引康熙府志現在人丁七千一百九十四丁盛世滋生戶口人丁四千六百三丁欽奉

恩詔永不加賦近來累加調查境內居民共二萬二千九

百七十八戶男婦大小一十五萬四千九百零八名口較之名口較之

國初幾加十倍較前明初建縣時亦加七倍可謂庶矣富之教之當思所以議加也

戶口之盛衰聚散

春秋時楚令尹王子勝遷許於柝實為本境戶口遷徙之始漢既下柝休養生息故戶口獨盛魏晉以還田不加闢而賦日繁重生齒遂衰南宋末造

兵患相仍瘡痍凋敝有明中葉湖廣流民僑寓者
多於是戶口頓增流寇之禍屠戮慘酷黎庶幾無
孑遺

國家定鼎勞來安輯於是秦晉之民來入版圖始有安
土之樂嘉慶川陝楚軍興之時羽書旁午間有流
亡肅清以後民氣漸復咸同之際楚匪迭次蹂躪
轉徙顛踣漸形凋耗近數十年休養生息復稱繁
庶凡此皆本境戶口變遷之大者至若水旱饑饉
疾疫災異等事亦皆與生齒之盛衰有關稽諸歷
史之可見者臚陳如左東漢桓帝永壽三年大水
丹江泛溢 晉孝武帝太元四年春大水順陽城
沒 宋徽宗大觀四年夏鄧州大水漂沒順陽縣
明孝宗宏治十四年新野雨粟夏甘露降浙川
武宗正德十二年浙川循路山鳴數月 神宗
萬曆三十四年浙川縣大疫死者甚衆六月滔河
泛濫 四十二年星隕於浙川形如白石 熹宗

天啟五年浙川縣大饑有得銀數錢即鬻身者

愍帝崇禎三年浙川縣雨雹大風拔木 四年春

霜殺麥冬浙川虎至關城下 五年浙川城內大

火飛焰四日燔死者甚衆 六年浙川縣城鳴

八年浙川縣大饑雨雹數月麥及桑麻皆殞秋生

梨花冬開杏花 九年浙川縣瘟疫大作死者仆

道人即啗之父子夫婦老穉更相蠶食析屋為薪

廬室皆盡 十年四月瘟疫大作人死多半無人

掩埋穢氣播聞經月不息道路難行 十七年浙

川竹生紫花

國朝順治四年十一月浙川天鼓鳴 十四年十一月

浙川聞西北响聲震天閃光如火落於東南 康

熙元年四月浙川雨雹傷禾 三年內鄉浙川雨

雹大如拳 二十九年十一月大雨雪井泉凍十

二月風雪交作深至丈許民有凍死者 三十年

歲大禔民疫 三十四年地震 六十一年旱饑

嘉慶十八年大饑民多流亡 光緒三年秋大饑人相食鄉民遠逃村落空虛 光緒十六年大水丹水泛溢漂沒民居三十餘村猶幸比年以來四境安謐而且年豐人樂無有天札祖孫父子生育繁衍以致今日之盛非偶然也茲復詳加調查得近年來本境

旗戶

男口無
女口無

漢戶

男口八萬二千零八十四
女口七萬二千八百二十四

氏族錄

浙川自古頗多名望郡氏以下聚族於斯魏晉亂
離邦人分析半寄於他邑唐宋之季舊族土着已
極寥寥自元迄明轉徙靡常流寇之禍村里為墟
國朝以來客籍十七加以譜牒散失不可復詳士夫數
典忘祖求能如范甯子之能自道家世者蓋已鮮
矣惜哉惜哉茲擇其信而有徵者著之於篇

郟氏春秋國名秦滅之子孫以國為氏今境內無
此姓

商密氏楚大夫食采之邑因以為氏今境內無此姓
南鄉氏晉高士居隱南鄉因氏焉後漢有羽林左
監南鄉槐今境內有南氏

析氏春秋時以邑為氏今境內無此姓
邦氏周時陟岵先生姓邦隱居岵山之陽今境內
無此姓

范氏春秋時范蠡仕越為大夫自是以降代有達

人六朝最為鼎盛今其後裔內鄉浙川所在皆有
然多式微矣

鳩夷氏范蠡更號鳩夷子皮今境內無此姓

計氏春秋時有計然為范蠡師本姓辛其先晉之
公子也今學堂肄業者尚有此姓

冠軍氏漢霍去病封冠軍侯其復氏焉今境內無
此姓

鄧氏漢鄧昱封左將軍今其後裔境內甚繁

于氏漢于匡封右將軍今其後裔境內僅有

王氏晉王豹為豫州別駕今其後裔境內所在皆有

郭氏晉郭舒為梁州刺史今其後裔境內多有

郅氏夏商侯國子孫氏焉南宋時自延安遷入本
境今在學堂肄業尚有此姓

習氏夏商國名子孫氏焉晉有習鑿齒者晉漢春

秋明時自襄陽遷入本境今其後裔仍以誦讀為業
穆氏秦穆公之後南宋自陝西遷入本境明有穆

孔曙奉勅入忠義孝悌祠今其後裔尚有列膠庠者
李朮魯氏元李朮魯文靖公流寓於此今其後裔
以魯為氏

杜氏元杜清本陝西人官南陽知府遂入浙籍今
其後裔尚稱望族

唐氏元唐琮為懷遠大將軍今其後裔尚盛

全氏明全璠成進士今其後裔仍以讀書世其家
彭氏明彭凌霄官侍郎今其後裔列學宮者尚不

乏人

宗教錄

我國宗教向以儒釋道並稱唐宋以降天方教來自西域流被漸廣天主耶蘇晚來方興未艾嗟乎天演物競興衰遞嬗今將外教輸入查明實數登之於冊亦可以覘世變矣

回教信徒約八百餘人

喇嘛紅黃教信徒無


天主教信徒約三百餘人

耶蘇教信徒約二百餘人

天主耶蘇教民時出時入無從科其定數

實業錄

若夫齊民之不入他教者則有士三千六百餘人
農三萬七千八百餘人工六千八百餘人商一千
二百餘人中國以農立國中州又為農業最盛之
區故四民之中惟農也耕耘甚勤頗能使地無遺
利又近年來學堂編設鼓舞振興士也尚有向學
之心頗具開通之氣惟是巖穴之民見聞未周知
識不廣除荆紫關李官橋附近外幾不知懋遷為
何事其經營商業者大率小作負販聊博微利其
日用器具多固陋就簡而不知改良故工業日即
於拙現任同知錢繩祖設工藝局藝徒學堂以教
育之然積重難返非數年之後恐未易進化也



浙川直隸廳鄉土志

卷六

地 150 269
1539
26

地理

位置 浙川在本省西南隅經線偏西二度五分
三十秒緯線在赤道北三十三度四分以人行道
里計距省九百一十里



疆域 東接鄧州界東北接內鄉界北接陝州盧
氏界西北接陝西商南界西及西南接湖北鄖縣
界南接湖北均州界東南接湖北光化界南北袤
三百四十里東西廣一百三十里環五百餘里

因山川形勢之便析全境為一十四里村郭曰浙
川里東曰武丁里東北曰板橋里北曰岵山里西
北曰荆子里曰上白里下白里上張里西南曰新
興里南曰淤村里東南曰下張里曰馬蹬里曰雷
山里曰順陽里而地之肥磽不同故里之大小攸
殊西北羣山羅列地瘠民稀故分里獨大東南次
之惟村郭數區膏腴之地故最小也

浙川里為村郭地東武丁里東北板橋里北岵山

里西北上張里西南新興里南淤村里東西廣二十餘里南北長三十餘里地勢畧近三角形城踞其西南廳署在北門內明知縣武文建照磨署在廳署東教諭署在學宮明倫堂東城守把總署在城隍廟東古蹟城東郭外有涉園為明選貢彭必大家園中有碧涵亭水明樓頗堪眺賞今僅存遺趾去城二里許有韻園為明金進士璠舊隱處今其後裔猶有肄業其中者然勝迹強半荒落矣城

西北七里有丹朱墓東五里有彭侍郎墓祠廟祀典所載者有文廟在廳治南明成化九年知縣武文創建本朝迭次增修關帝廟在廳治西明萬曆二十九年知縣錢淞建城隍廟在廳治西明成化九年知縣武文創建頗稱壯麗火星廟在東門內國朝道光二十年同知羅傑建馬王廟在廳治東北外此則廳治東有文興寺與城隍廟西之武安觀同為明知縣武文建蓋欲志其姓名於不朽云西

門外丹江岸側有平浪宮俗稱楊四將軍廟來往
商賈舟子咸敬祀焉他如東門外之三官廟倉街
之四官廟其迤西之百子堂北門內之真武廟西
門外之觀音堂大率皆宋元舊刹空曠無當又城
西南隅有天主堂光緒三十一年義大利國建東
南隅有福音堂光緒三十年瑤瑛國建坊表浙川
舊有之宣化儒林等坊今已無存現存者城東五
里彭侍郎墓前有碩望坊前明勅建倉街口有孝
子坊為穆孔曙立亦明時勅建東門外有彰善坊
為金森倫立明建頽廢已久近復新之南門內節
孝祠前有節孝總坊同治甲子年建泐歷代節婦
姓名於上其他近日新立之貞節懿行等坊則未
足殫述云橋梁城東門外半里許有董達橋元建
飛跨於小金河上帝鎮廳治之南曰署前街西行
為大十字口自口以東為東大街及東小街西曰
西大街及西小街南曰南街北曰北街學堂官立

中學堂高等小學堂初級師範學堂埭師範傳習所各一處均在東門內大街官立初等小學堂三處一在東門內大街一在東門內火星廟一在西關楊泗將軍廟均現任同知錢繩祖先後籌款將舊有試院書院修改並購買民房設立民立初等小學堂一處在西門內大街係商民晉興鴻等公立又初等小學堂一處在北門內大街係翰林院待紹銜廳人張錫祉等捐立又官立藝徒學堂一所在西門內大街巡警學堂所在城內城隍街均現任同知錢繩祖籌設

武丁里在城之正東距城自十五里至九十里東及北皆內鄉界西北板橋里西浙川里西南淤村里下張里南馬蹬里東西長七十餘里南北廣二十餘里地勢為長方形與馬蹬里犬牙相錯畧躋城東二十五里岵山之下有四王塚為羽王四子葬處祠廟城東二十五里岵山之陽有四王廟俗

傳羽王四子戰死此地土人立廟祀之今已就荒
落城東十五里有泰山廟康熙間重修五十里有
雙泉觀明宏治重修甯鎮城東二十五里有雙河
鎮即丹浙二水交會處舊頗興盛道光十三年被
水後市集遂衰

板橋里在城之東北距城自二十餘里至八十餘
里東及北皆內鄉界西岵山里西南浙川里南武
丁里東西廣三十餘里南北長六十餘里祠廟城
北三十里有龍泉觀西北六十里有湧泉觀俱明
重修甯鎮城東北三十里有蠻子營街五十里有
上集街七十里有水田街皆小集鎮也學堂民立
初等小學堂一處在上集地方係監生羅顯先等
公立又一處在下集地方係附生周錫麟等設立
又一處在鎖河鎮係該鎮湧泉觀道人王智法捐
立又一處在老牛溝地方係縣丞梁天寵等公立
又一處在侯家坪地方係民人侯述職等公立

岵山里在城之正北縣亘西北距城自三十里至二百五十里東板橋里東北內鄉界北盧氏界西北商南界西鄖縣界南荆子里上白里下白里東南上張里淅川里東西廣四十餘里南北長二百二十餘里地勢為極長形蟠伏於西北境上面積最大約居全境五分之一畝蹟城西北二百餘里花園關外有看花樓置於山巔高可萬仞相傳為唐武后建今猶存故趾西北百里鎖里山之陽有多羅王墓世代無徵祠廟城西北一百八十里有興國寺帝鎮城西北二百十五里有花園關雖與荆子關並稱險要而繁富則不逮遠甚西北二十里有西坪鎮舊四大鎮之一今有小集又一百七十里有穆家壩北七十里有毛堂街皆僻處山中無足述者學堂西坪鎮有公立初等小學堂一所係紳商王廷揚等公立全店有初等小學堂一處係附生全安善等公立

荆子里在城之西北距城自九十里至一百六十
里東上白里北岵山里西商南界南鄖縣界東西
廣三十餘里南北長七十餘里古蹟城西北一百
二十餘里丹江之湄有梳洗臺巨石渾成高丈許
方五丈相傳為唐武后遺蹟城西北一百里有漢
王洞極深邃峯峒山有羅漢洞洞內有明尚書胡
濙題詩又有三丰洞為張三丰煉丹處荆子關西
北有杜家墓為南陽知府杜清葬處祠廟城西百
里有峯峒寺寺有梭櫛一株枯數十年復生又有
靈應觀明重修荆紫關有天主堂法國達市鎮城
西北一百二十里有荆紫關為西南鎖鑰副將駐
防於此水陸瑄轂商賈輻輳繁盛甲於全境學堂
荆紫關有初等小學堂一所光緒二十九年各紳
商公立又初等小學堂一處係商民朱謙益捐立
上白里在城之西北距城自五十里至一百二十
餘里東下白里北岵山里西荆子里南鄖陽界東

西廣三十餘里南北長六十餘里古蹟城西北五十餘里有漢丹水城趾九十里有漢南鄉縣趾祠廟城西七十里有掘山寺市鎮城西北八十里有黃河街在丹淇二水交會處而貿易不甚興盛學堂初等小學堂一處在李家岩地方係附生駱祖望等公立

下白里在城之西北距城自三十里至六十餘里東及北皆崮山里西上白里西南新興里南上張里東西廣南北長各三十餘里古蹟城西北二十餘里有漢柝縣故趾北五十里有酒婦崗世傳漢光武困於莽兵有老嫗以酒進祠廟城西三十餘里有清泉寺明天順建又有地藏寺北五十里有龍泉寺泉流縈紆境頗幽雅六十里有聖水寺元至元建市鎮城西四十里有白亭街為附近居民有無相易之所

上張里在城之西北距城自十餘里至三十餘里

東岵山里北下白里西新興里南浙川里東西長四十餘里南北廣十餘里面積在全境為最小舍蹟城西北十五里有漢王城為漢高帝伐秦時屯兵所築城內有試劍池又有四王砦金將武仙所置城西丹水旁有窪尊石石上有窪尊形為曲水流觴之勢宋浮休居士張舜民曾為刻銘其上今半剝落不可讀祠廟城西北十五里有五嶽觀又有聖嶽觀及東嶽廟坊表城西二十里申明舖有孝子坊為劉侍徵立橋梁城西北三十里有橋名官橋學堂城西三十里有滔河街因附近滔河故名有邑人張姓私立初等小學堂一所新興里在城之東南距城自三里至四十里東浙川里北上張里下白里西鄆縣界東南淤村里東西廣三十餘里南北長四十餘里舍蹟祠廟城西南五里有興化城舊有碑成化間廢又有興化寺元延祐建又十五里洪水峪有窄口觀二十里有

珍珠寺

淤村里在城之正南距城自三里至五十里東下
張里東北武丁里北浙川里西北新興里西南皆
均州界東西廣三十餘里南北長四十餘里古蹟
城南三十餘里有三戶城春秋時晉欽戌蠻子界
楚師於三戶即此又有商於城為戰國時張儀許
楚之地商於城南有青雲館唐杜牧有詩祠廟城
東南十五里有淨土寺殿中有泉鑿石穿流通於東厨
可以烹飪元至元中建文士騷客游觀其中題詠
頗多雷山下有回陽觀唐貞觀中建境頗清幽
下張里在城之東南距城自二十餘里至六十餘
里東順陽里東北馬蹬里北武丁里西淤村里南
光化縣界東西廣二十餘里南北長三十餘里地
勢如斜方形古蹟城東南二十餘里有張陂城宋
元置巡檢司明廢祠廟城東南五十里有高密侯
廟祀漢鄧禹又有濕峪菴唐大厯朝建

馬蹬里在城之正東距城自三十里至一百里東
內鄉界北及西皆武丁里西南下張里南順陽里
雷山里東西長七十里南北廣二十餘里古蹟城
東三十里浙水之涓有馬蹬城即浙川舊治城外
有表忠閣為宋歐陽文忠公讀書處明學士彭凌
霄有碑記馬蹬東北有石門兩崖對起如門故名
祠廟馬蹬西門外與表忠閣相近有龍巢寺魏太
和初建宋歐陽文忠公有記地勢巍然高出徧植
翠柏頗稱勝概市鎮城東三十里有馬蹬鎮西臨
浙水舊四大鎮之一也學堂馬蹬有公立初等小
學堂一所光緒二十九年增生王景潤等公立
雷山里在城之東南距城自六十餘里至一百餘
里東鄧州界北馬蹬里西南皆順陽里東西長四
十餘里南北廣二十餘里古蹟城東南九十里丹
江東岸有大塚九處小塚百餘相傳為范泰范甯
家塋而碑碣皆無存者祠廟城東南九十里有旋

臺寺與白崖山相連最稱幽勝帟鎮城東南七十
五里有埠口街俯臨丹水貿易未見興盛

順陽里在城之東南距城自六十里至一百二十
餘里東鄧州界北雷山里西北馬蹬里西下張里
南光化內鄉界東西長五十餘里南北廣二十餘
里古蹟廳城東南百里有順陽城漢順陽縣故趾
也一百二十餘里有龍城元太祖駐兵於此有龍
見故名又百餘里有博山城則遺趾久墮入丹江

矣順陽川有魯祭酒墓即元李朮魯神葬處內鄉
刑部主事李蔭撰碑祠廟黨子谷有李朮魯文靖
公祠久廢康熙年其後裔魯如玉復新之李官橋
有楊泗將軍祠又有十王廟以祀歷代藩封諸王城
東南九十里白崖山有香岩長壽寺唐憲宗時創
建明永樂中復修之駙馬都尉沐公篆額尚書胡
濬撰碑有兩禪院俗稱上寺下寺僧侶行住常數
百人為全境禪院之最橋梁城東南九十里有李

官人橋李官橋鎮因是得名又有雲溪橋普濟橋
皆鉅工也市鎮城東南九十里李官橋鎮舊為
四大鎮之一今已日形蕭索然形勢所在仍稱重
鎮也城東九里有盪堰

山 浙川環境皆山有千巖競秀之概然尋其脉
絡約可分為三支一曰西北之山係自盧氏熊耳
山發脉分兩支入本境其在淇河東者曰嵩塚山
南行曰黃鎖里山曰蕭山曰清風嶺東南行曰愁
斯嶺曰牛心朶曰月兒崖曰默山東行曰武山曰
岵山循淇河西者曰葛花崖東南行曰獨阜山曰
丹崖山一曰東路之山係自嵩縣伏牛山發脉南
行為內鄉西北之山入本境東曰將軍嶺東南行
曰析隈山西曰石門山南行曰麗金山東南行曰
太白山一曰西南之山則遠自商州秦嶺發脉東
南行為商南縣境諸山入本境曰峯峇山東南行
曰凌老山曰鮎魚崖曰王子山南行越滔河曰

龍山東南行曰熬子山曰火焰山其迤東曰雷山
迤西曰象山火焰山南行曰四峯山四峯山之西
南曰泰山東南曰玉照山白崖山其他岡陵重疊
大率無名可徵不復縷述

嵩塚山在城西北一百里岵山里內西距淇河六
七里

黃鎖里山在城西北九十里岵山里內二山相峙
有鎖里洞及簧里洞

蕭山在城西北九十里岵山里內山氣蕭森登眺
曠遠

清風嶺原名老虎嶺以山形似虎在城西四十里
下白里內西南臨丹水

愁斯嶺在城北二十里上張淅川二里內相傳漢
光武過此憫征夫之勞瘁愁斯嶺之難越高語聞
野後以為名嶺東行盡處下臨淅水

牛心朶在城北十五里上張淅川二里內麓員形

銳狀如牛心西距丹江數里

月兒崖在城北三里浙川里內形如半月故名

默山在城北三里浙川里內即宋孟珙敗金武仙
默里處

武山在城東十餘里浙川武丁二里內漢光武屯
兵此山固名

岵山在城東二十里武丁里內東臨浙水即周時
陟岵先生隱處宋孟洪大敗金武仙時駐兵於此

上有四王廟

葛花崖在城西北百里荆子上白二里內東距淇
河十餘里

獨阜山在城西北九十里上白里內四面無麓兀
立淇河之西兩峯相去四里俗以雌雄呼之

丹崖山在城西北九十里上白里內其石悉赤壁
峙霞蔚有江雲秀空二岫更為絕出東距淇河十
餘里

將軍嶺在城九十里馬蹬里內即浙川鄧州分界處
析隈山在城東百里雷山里內左傳秦人過析隈
因記其地而名山俗訛為斯隈

石門山在城東三十里馬蹬里內西臨浙水上有
石穴砦宋將孟珙所置

麗金山在城東三十里馬蹬里內西南臨丹浙二水
太白山在城東八十里順陽里內下臨丹水舊指
為順陽丹水二廢縣分界處

峯岩山在城西百里荆子里內峯巒峭板洞穴玲
瓏北臨丹水明尚書胡濙訪道士張三丰於此

凌老山在城西五十里上白里內東北距丹水數里
鮎魚崖在城西三十里下白里內北臨丹水南為

滔河

王子山在城西二十里上張里內北臨丹水南臨
滔河與鮎魚崖對峙世傳羽王四子擁兵捕盜於
此又武仙九砦之一

龍山在城西二十里新興里內壯如游龍南為黑馬泉北為黃龍泉合流而為湖河

鑿子山在城之正南五里淤村里內北瀕丹水上有府君廟俗傳人祈嗣輒應

火焰山在城南二十里淤村里內山勢壁立崖色赤黃如火焰薰灼

雷山在城東南二十里淤村里內丹江逕其下上有迴陽觀

象山在城南二十里淤村里內其形為象傍有大池數畝深丈許黃水之所出也

四峯山在城南四十里淤村里內峯頭四出屹然如削其東山頂有穴如井春則生風置葉其中高飛直上上有悟道祖師廟

泰山在城西南六十里淤村里內半屬浙川半屬均州玉照山在城東八十里順陽里內上有石壁高仞許截然如削其色青瑩下臨丹水潭水漣漪

白崖山在城東南百里順陽里內即浙川內鄉兩分界處山勢瑩白如縞素丹江逕其東下有香岩寺水 丹江為全境幹河析為兩大支東曰浙河西曰淇河其餘千支萬派要皆朝宗此數水而已今為區其源委分別言之如左

源委全在本境者

小金河源出城北十一里浙川里塚子坪之黑龍泉東南流經默山南流經城東至南灣入丹江約行十五里

湖河源出城南二十里新興里龍山黃龍黑馬二泉東北流入丹江約行二十里

黃水河源出城南淤村里象山東北流經周灣馬灣磬子山東又南流入丹江約行二十餘里

乾溝河源出城北岵山里上蒿坪東南流經下白里上張里東流復至岵山里全店入浙河約行七十餘里此水春夏漲秋冬涸故名乾溝

源委均不在本境者

丹江源出陝西商州西北秦嶺東南流經商南縣

至荆子里月兒崖東南入本境入本境處在治廳西北一百三十餘

里東流經荆子關南吳村店北峯客山北麓又東

南流經上白里至黃河街東有淇河自北來注又

東南流經下白里清風嶺西南麓又東南流經上

張里至滔河鎮東南有滔河自西來注又東南流

經浙川新興二里之間經月兒崖西南麓南流經

城西有湖河自西來注折而東流經城南出新興

里入淤村里至城東有小金河自北來注黃水河

自南來注又東流經雷山北麓又東南流經武丁

下張二里之間至雙河鎮東馬蹬鎮西有浙河自

北來注東南流出武丁里入馬蹬里經麗金山西

南麓東流經雷山里埠口街西又東流徑順陽里

太白山西麓玉照山南麓李官橋鎮西至白崖山

出本境出本境處在城計入境共行二百三十里

之東南一百里

按丹江係幹河可通舟楫下自李官橋達漢口上自荆子關達龍駒砦但所行之舟止有一類其製中濶兩端銳而上曲俗稱鯀子以其形似鯀也蓋丹江兩岸多山沙礁極多他舟至此往往觸石而漏惟鯀子係以櫟本作底可無虞云

源在本境而委在他境者

得子河俗稱十二里河源出城東七十餘里武丁里南流經馬蹬里東流經雷山里至龍城岡出本

境此水至鄧州唐王橋入刁河入鄧州境行境內約五十餘里

源在他境而委在本境者

淇河源出陝西商南縣商嶺東流至岵山里板高

山官庄入本境城西南二百里南流至花園關北有峽

河自東北來注又南流經西坪鎮東至石花碑有黑漆河自西來注又南流經上白里東西兩黃口

丹崖山西麓獨阜山東麓至黃河鎮南入丹江約行境內一百里

峽河源出內鄉嶺村南流至岵山里靈官殿入境
城西北二百四十餘里西南流至花園關入淇河約行境內
三十餘里

黑漆河源出商南縣東流至岵山里入本境
城西北一百八十餘里

東流至石花碑入淇河約行境內三十餘里

滔河源出鄖縣東流至下白里聞家堂入本境
城西四十餘里

東南流經白亭南鮎魚崖西南麓又東南流

經上張里王子山西南麓滔河街南至申明鋪入

丹江約行境內二十餘里

浙河源出盧氏縣經內鄉西峽口南流至岵山里

鎖河口板橋里橫防入本境
城東北八十餘里南流經上

集下集蠻子營西至全店南有乾溝河自西北來


注又南流經浙川里愁斯嶺東麓武丁里岵山東

麓馬蹬里馬蹬鎮西至雙河鎮入丹江約行境內

八十餘里此水亦可通舟楫所行之舟與丹江同

春夏水盛時由委上溯可至內鄉巡檢司

此外又有人力溝通之水按志書所載溝渠凡五十餘處深不過三尺長不過三里寬不過四尺實皆道旁水溝非渠也今亦多淤塞而新開者正復不少此等溝渠興廢無常歲有變易故不復縷述



浙川直隸廳鄉土志

卷七

地志
1239
7

道路錄

浙川地當衝要往來絡繹惟是山川梗塞車轍難



通且山潦驟發毀廢不常賴因時平治故行旅無
留滯之苦今志道路首通衢次支路而郵政電線
坵焉

自本治起出城之東門正東行五里為五里堡又
東南行十里為獅子崗又五里至岵山舖分為兩
道其一自岵山舖向東南行五里為雙河鎮又南
行渡丹江五里為南馬蹬又東南行十五里為袁
家坪又十五里為巡路口又十五里渡丹江為程
寬埠口街又東南行逾太白山十五里至李官橋
右向分一支路其支路向正東行十里為茶菴又
二十里為全店又十里為盪堰又東行出東南界
與鄧州支路接本路自李官橋南行出南界與光
化縣大路接其一自岵山舖向正東行五里為田
坑又五里渡浙河至馬蹬街復分為兩道一為赴

鄧州之路自馬蹬正東行十里為槐樹嶺又五里為桐柏廟又十里為上樓又十里為紫旗舖又十里為黑虎廟又十里為雙廟又東行出東界與內鄉大路接一為赴內鄉之路自馬蹬東北行逾石門山八里為卡房又十二里為楊營又五里為陳店又五里為朱家營又十五里為水溝又五里為分水嶺又東北行出東北界與內鄉大路接按浙境之路多崎嶇古稱商山之險繞雷七盤是也惟

巡路口至李官橋三十里更稱險阻蓋李官橋一帶丹江沿岸多山故其為路也上倚高標下臨迴川援葛坳籐行旅病馬歷任同知擬開闢者紛如皆以工費過鉅不果前任同知張彭壽議令富者輸財貧者助力役夫由公家給食方創始而去同知錢繩祖繼之復捐金以竟其績自是而履道坦坦可慶康莊矣

出城之北門正北行逾默山月兒崖五里為秧田

又東北行逾牛心朶愁斯嶺二十五里為全店又
東北行渡浙河五里為蠻子營又正北行五里為
下集又十里為上集又十里為鐵廟又十里為橫
芳又西北行出東北界與內鄉大道接又西北行九
十五里至八廟復交浙界自八廟西北行四十五
里為花園關又正西行渡淇河五里為西坪鎮又
正北行三十里為界牌又正北行界出北界與盧
氏大路接

出城之西門西北行五里為石門又三里為七里
扁又八里為火星閣又五里為紅堂又五里為楊
營又十里逾清風嶺為太山廟又五里至柳家泉
左向分一支路其支路向西北行經摩峪灣高牛
灣官田山又正北行經馬古洞兩黃口東黃蒲塘
共行八十里出北界與內鄉支路接本路自柳家
泉正西行渡丹江五里至娘娘洞有一支路自左
來會其支路東南自城之西門起西北行渡丹江

經張庄黃棟樹申明舖渡滔河經滔河鎮逾王于
山鮎魚崖經白亭街共行四十五里來會本路本
路自娘娘洞西北行十里為石廟灣又五里為亂
石灘又五里為小石溝又十里為孫家舖又五里
為劉家洞又八里為沙渠河又六里為白楊樹菴
又三里為東吳村又西行十里為西吳村又西北
行渡丹江十里為石家村又五里至荆紫關有一
支路自右來會其支路北自西坪來南行經程溝
灣渡黑漆河經石花牌穆家壩小徒嶺菩薩堂石
門共行九十里來會本路本路自荆紫關西北行
出西北界與商南縣大路接


出城之南門正南行渡丹江二十里為黃水塘又
十里為土地嶺又十里為道天坪又南行出南界
與均州大路接

附郵政電線

浙境向無信局民間傳信頗形不便光緒二十八

年始於城內創立郵政總局嗣因荆關商務較盛
於是將總局移往而以治所初設者為分局交通
頗便成效漸著

電音綫自湖北漢口迤邐而來經樊城老河口及
鄧州西北自順陽里入境西北行經雷山里埠口
街東北又經馬蹬里馬蹬鎮西南渡浙河經武丁
里浙川里北渡小金河西行經城北又西北經上
張里下白里逾清風嶺經上白里渡淇河經荆紫
里自荆紫關出境西達陝西西安計行境內約二
百二十餘里荆紫關有電綫局一所



浙川直隸廳鄉土志

卷八

地 150.269
1539
28

物產錄

分天然產製造產二端天然產動物植物是也
也用三者之本質製成器物則製造是也今將二者分別詳載如左



天然產

大宗動物

凡物產成宗有商販運赴外境銷售者列為大宗

豕

民間飼養最多除供本境食用外運赴湖北老河口銷售

常產動物

凡物產僅供本境之用者列為常產

牛

水牛無

羊

山羊 羴羊 二種

驢

犬

馬

騾

雞

鴨

鴿

鷺

鶴
鷄

以上各產均僅供本境之用並無輸出

蟬
蛻

二產所在多有可以入藥故特書之

全
蝎

境內並無專業蠶桑者僅婦女零星飼養故出數

蠶

無多

蜂
所在間有不甚盛

狐

兔

狼

此三產山中間有之

獺

丹江內間有之

魚

司河內有鯽魚白魚鯉魚數種亦不常見

特產動物

凡物產不常見者列為特產

鴿
鷓

浙川里一帶所出亦不甚多

豹

山中間有之

大宗植物

漆 歲收約一二萬斤陸運赴直隸山東等處銷售

柿 歲出約二三萬斤水運赴湖北漢口銷售

梨 歲出約四五千担水運赴湖北漢口銷售

柴胡 歲收約一二千斤運赴湖北漢口銷售

桔梗 歲收約四五百斤僅敷本境售用

金銀花 歲收約七八百斤僅敷本境售用

常產植物

二麥 小麥歲收約十三四萬石
大麥歲收約四五百石

粟 歲收約二萬數千石

稻 歲收約八千餘石荆關里所出者良

芝蔴 歲收無常數

玉蜀黍 俗名包穀歲收約一萬八千餘石

豌豆 歲收約二萬五千餘石

菜豆 歲收約八百餘石

扁豆黑豆黃豆 俱不多歲收無常數

薯有紅白二種歲收百餘萬斤春夏月新陳不接之際民間備以充饑
高粱惟李官橋一帶間有之歲收不過數十石

以上穀類

菘多

蘿蔔多

南瓜最多貧民以之為糧

東瓜

秦椒

王瓜

蒜

薑

茄

芹

菠菜

蓀菜

撒藍

藕菰 俗名茭白

菰 俗名茭白

笋

葱

芋

蕤

菟 野生者有馬齒菟貧人亦採食之

芥 以上均不甚多

以上蔬類

棗 多

杏 多

桃

葡萄

西瓜

瓜子

櫻桃

李

核桃

栗

石榴

木瓜

香椽

橘

柚
均不多

以上菓類

桂

月季

迎春

木槿

木香

芙蓉

薔薇

鳳仙

鷄冠

芭蕉

蓼

蘆

葦

茅

艾

菖蒲

均不多

以上花草類

楊多

柳多

榆多

椿多

桑

柘

松 柏 枸 棟 槐 楓 桐 楸

竹
均不多

以上木類

荆芥

連翹

杏仁

薄荷

山查

天冬

山藥

半夏

瓜蔓

均不多

以上藥材類

棉

僅李官橋一帶種之所出無多不敷本境之用

靛

麻

菸葉

土藥

均不多無輸出

以上雜品類

常產礦物

金沙

寺灣金斗溝柳林溝楊泗將軍廟後皆有惟礦苗不旺無人開採惟附近貧民偶爾掘挖間有

所得而已

煤

關防灘有煤礦二所現係民人徐天德李賈氏等開挖苗薄質劣僅銷附近三十里以內不能及遠

動物製造則以牛皮

歲約一千二百餘張羊皮約五百餘張

為大

宗牛筋

繩可造

牛骨

製水田可

牛油燭羊毛毯牛皮膠

以上俱數
境內用
次之狐皮約數十張
兔皮猪鬃俱無定數
鼠毫

兔毫行銷甘肅陝西皆筆工自運無大宗此產在本境而製在他境者
亦頗有之

豹皮獺皮則僅見而已

植物製造則以生漆為大宗歲獲約一萬餘斤行至內鄉加以製造則

為紫漆利可倍此亦製在他境者
麻油白酒桐油麻餅可糞田
石灰

木炭以上俱數境內用
次之粉条黄酒米醋蘆葦席則俱

散出而不成宗竹木諸器則工多劣草帽緘亦間

有而不佳惟柿餅蜜棗不如南棗之佳
頗著至於線毯洋

布毛巾惟工藝局能製之民間未能仿造也

礦物製造則有銀銅鐵錫諸工然製造不佳且俱

零星小物銀製婦女釵釧銅製箱櫃等飾鐵製農器日用小物錫製茶壺而已此均產

在他境而製
陶業則甄瓦缸黃缸沙缸二種
罌頗多但俱

苦窳硝磺則僅有之

商務錄

全境商務以荊紫關為貿易總匯城中次之然外貨之輸入者多而出境之貨不足以抵制之若講求農桑工藝日有起色自可挽回利源也

行銷境內之物則猪肉為食品大宗分銷境內每歲約一百餘萬斤

牛油燭分銷境內每歲約二萬餘斤

敷境內用

糧食以麥米芝麻包谷豌豆為大宗行銷境內每

歲約共十二萬八百餘石

敷境內用

麻油行銷境內每歲約十餘萬斤麻餅約百餘萬斤白酒約三萬餘斤

石灰行銷境內每歲約十餘萬斤木炭約三萬餘斤陶器及甑瓦等行銷境內約共值千餘金

煤行銷境內約三十餘萬斤行銷只三十里以內荊紫關一帶所用則購自商南等縣

運出本境之品則牛羊皮行銷漢口

水運

牛皮歲約

一千餘張羊皮約五百餘張

生漆行銷南陽直隸山東陸運水歲約萬五千餘斤

梨柿餅瓜子皆行銷漢口水運梨約五千餘担柿餅

約一萬二千餘斤瓜子約一千五百餘斤

運入本境之品則有鹽自陝西龍駒寨運入陸運水

歲約四十萬斤

棉花自湖廣運入水運歲約五萬餘斤

棉布自湖廣運入水運歲約三萬餘疋

洋布洋緞等貨自湖廣運入水運歲約值萬餘金

南陽綢自南陽運入陸運歲約值數百金

菸葉自鄧州及陝西運入陸運水歲約四萬餘斤

土藥自四川山西運入陸運歲約二百餘斤

紙張有黑麻白麻如表竹紙數類自湖北樊城老河口運入水運

歲約值三千餘金

糖黑白冰三種自湖北樊城老河口運入水運歲約共五

千餘斤

鐵貨農器之屬自湖北老河口樊城運入水歲約值二

千餘金

瓷器粗細二種自湖北樊城老河口運入水歲約值五

百餘金



